



08650

梁溪詩鈔目錄卷之四十一

國朝八 乾隆

吳黼仙峻

五十六首

曹中翰元俊 四首

侯孝廉洵正八一首

吳孝廉寶洛

四首

王司教龍見 一首

顧學博掄元 九首

侯大令可儀 一首

邵上舍柄吉 十首

劉上舍松苓 二十七首

梁溪詩鈔

卷四十一 目錄

劉玉茗尊素 二首

周南村若金 二首

楊贈公鴻觀 十一首

陶秀才守謙 二首

浦秀才淮音 二首

華秀才紹濂 四十四首

以上共十五人一首

曹中翰元俊 四首

吳黼仙峻 五十六首

梁溪詩鈔目錄卷之四十一



梁溪詩鈔卷四十一

梁溪顧光旭余華陽氏集

國朝

吳黼仙峻

字揖峯丁卯副榜容齋先生隴長子容齋

先生登乾隆元年丙辰科進士終工部主

事以經學名於世弟易堂學士鼎亦以經

學顯顧不爲韻語揖峯濡染家學爲人蕭

澹超邁於書無所不窺而尤工於詩余從

兄黼溪序其詩曰吳子自經史子集及音

梁溪詩鈔

卷四十一

一

律筭數琴奕諸藝皆能旁通其詩自漢魏

以來搜擇融液不專一格屢變而累進余

嘗有句贈之曰門外桃花一罍雪煙痕瘦

盡龍山骨揖峯喜曰君知我也其所著寄

淮草冷遊草已鏤版行世又有尋樂軒詩

稿坤遊草隨意草咏物集句梁溪詩事雜

吳黼咏外又有尋樂軒著述數十種歿後其子

培搜羅散佚編纂成巨帙尋卒門人嵇承

濬馬燦彙其全詩示余余慎於持擇得如

于首作者其亦許我否耶

容至

清晨罷盥漱上客來茆宇言我久飢寒復不事農
圃同懷數幾人結綬紆華組君亦馳驅材奚爲守
環堵一笑謝客言秉質固椎魯客去掩柴關蕭條
天欲雨久覺庭中竹冉冉低復舉比鄰浙米聲炊
烟生一縷長嘯坐匡牀聊與古人伍

春水懷程魚門

春水際雲流春山坵曉愁欲攜湘浦客吟上木蘭
舟復恐吾同病因之賦遠遊昨宵成好夢明月滿

揚州

梁溪詩鈔卷四十一

二

甘露寺

木葉晚蕭蕭名僧浣酒瓢樓臺新北固鐘磬舊南
朝雲態從風變江聲入海消廿年行役處幾度繫
蘭橈

懷顧丈持國

風雨秋如此關山路若何有香凝燕寢無夢渡狼
河詩句添紅豆功名付碧蘿虎頭癡未絕華髮半

銷磨

懷李鐵君

見說結廬處西山深復深松門千歲鶴石磴一弦

琴此夜把君卷先期獲我心秋風吹木葉悽斷不成吟
遊管社示過正岳峯盡空自闕關月日流其
眉間滴生翠鬚畔費長吟樵響來何處雲封不可
尋蒼苔終古濕紅相半岩陰茆屋兩三輩悠閑獲
我心
震澤五百里蒼茫客思雄天光翻在下山色盡浮
空一笛懷中月千帆掌上風只今香草路先落美
人紅

曲檻峯千牖圓堤藕一灣水腥知有雨雲漫欲無
梁溪詩鈔 卷四十一 三

山餉餅欹藤笠分魚動柳鬟不須耽麴蘖相對已
忘還

空一棹汪芬木 茶

離魂何事黯然銷搔首秋風問沈寥烈士暮年還
射虎英雄失路亦吹簫三生知我愁如許一死尋
君夢已遙舐筆和鉛今始悔好攜丹鼎問松喬

天門峯

夾江山萬疊鎖以天門峯虛空自開闔日月流其
中娟娟雙蛾眉今古爲誰容安得烏鵲橋一跨千
芙蓉昔聞謫仙人來往金銀宮咳唾十萬字字字

化爲虹我行孰與偕歌筵乘長風飄飄上絕壁四面青濛濛下視三楚人蠕蠕細蟻螻大道本自具外物無終窮毛公聞此言微哂方兩瞳願言生羽翰松頂常相從

天望中

謝眺青山孫楚樓六朝雲水木蘭舟望中原是來時路有限天涯無限愁

江邊

點點鷗村楊葉雨蕭蕭蟹舍稻芒風旅人夢醒漁郎醉一樣江邊繫短篷

梁溪詩鈔

卷四十一

四

鳳凰臺

鳳凰臺上倚闌干回首中原爾許寬六代渾如前日夢三山留與後人看詩從李白傳高詠春入楊花起暮寒燕雀不知鴻鵠志榆枋自喜一枝安

鍾山

倚天蒼翠一層層數盡三吳得未曾雲似縷衣行上苑江如金帶抱諸陵空濛不假障塵扇寥廓難施繫日繩何事北岡南埭路紅花閱盡白頭僧

勞勞亭

不識行人苦那知居者安紅香雙角枕綠茗小蒲

團風雨今何夕關山爾許寒勞勞亭下柳飛恨與
君看蘇螢

人間長江萬里圖

吳蜀天無盡江光一線通此中宜我輩醜酒喚長
風

太湖山對阿若池寶王宮觀則山字

夢長馬足驅馳中醒隨蕩槩人從容軒然三萬六
千頃爲我直灌玻瓈鍾澤國風光此竒絕水面平
來山谷缺龍娥蛟女相後先翠蓋金支條明滅停
舟落日望江南霸越亡吳我未諳萬里天風吹濯

梁溪詩鈔

卷四十一

五

足流紅一葉助清談樹裏誰家晒漁網樹頭時有
飛禽響似聞勸我不如歸我已歸來更何往桐鞋
匡匝棕帽偏竹君三尺青銅堅相將湖上衆峯去
每箇峯頭住一年

宿惠山樓同若洲賓王魯瞻限山字

一步一芳樹相看未許攀欲尋前夢好只與素心
閒小雨散春墅踈煙籠夜山危樓歡笑語吹響下
人間

秋螢

流蕩亦已久相逢仍故居似添團扇冷重認碧簾

虛芳草三生外金風六代餘夜殘燈燼落不見獨
愁予

西溪

迴合西溪路疑從畫裏行茆茨臨水影機杼隔花
聲密樹烏雙語斜陽人耦耕羈心成悵望卜築與
誰盟

岳墳山同李賓王

痛飲黃龍志未伸蒼天如欲棄斯民衆傳諸葛真
名士其識汾陽是大人鐵聚六州誰鑄錯海逢厯
劫又揚塵清涼有客傷心極湖上騎驢來往頻
梁溪詩鈔卷四十一 六

巨石山同李賓王

朝登巨石山攬勝得其槩湖光平若鏡掩映插修
黛橋堤互縈繞花柳屢明晦却笑嬉春人古道非
所愛褰衣跋屨巔石與虛空礙散作羣羊眠移來
六鰲戴壞塔栖烏鶯初始知何代風動無輪鈴傾
歌壓雲背陰滄桑幾彈指吳越一微塊藉草共長
矧乃舊冠佩滄桑幾彈指吳越一微塊藉草共長

吟悠然展遐慨

同鄒豫章鮑若洲登飛來峯絕頂

芒屨走堤曲未覺塵埃空
今晨撥亂雲飛上飛來
峯直從沙際起徹頂皆玲瓏
古塔危未墮荒榛開
復蒙各據一瓣蓮下視人
天中雙丸跳日月一氣
圍併幪翻傷節序遷
林葉鳴寒風顧影語仙侶
茲遊詎能重

楊八可由過訪

小閣生秋興幽琴帶月張
佳人撫遙夕爲我發清
商淡淡竹光翠娟娟蘭
露香未須移棹去吾已
識梁溪詩鈔卷四十一

瀟湘

曉霞樓書龔貢淮扇

曉霞樓上望江南濃滴煙
光澹抹嵐中有征人無
限路碧波迢遞柳稔稔

楊雄集

天命如歸莽侯封亦到雄
白頭不曉事元語只雕
蟲借問閣前地何如湘水
風離騷安可反悃歎彼
懷忠

陶貞白集

嶺上雲如繡松間風似絃
君期羅漢果謂梁武帝臣慕

葛洪仙高築三層閣深居八洞天遺銘畱座鶴翰
采自無前庚肩吾書品云陶隱居
仙才采翰拔於山谷

題范文正公讀書臺

太息斯人不見今當時藿粥夜燈深西山虞夏清
風操莘野君民覺世心負擔買臣貪紫綬刺錐蘇
季戀黃金讀書所爲竟何事公等從容仔細尋

臨淄懷古

巖城惆悵舊蒲姑十萬人家五達衢湫隘囂塵棲
晏子羅襦香澤醉淳于客來稷下能談否望到牛
山洒淚無司馬上林原絕調此間傖父作三都

梁溪詩鈔

卷四十一

八

孔林柏十六韻

翠柏接網緼行行護孔墳映來新甫月飛到泰山
雲得地中通理相別名
黃腸迎陽左紐紋高低垂羽葆

重複出蘭芬玉立黎民識金聲碧落聞曲肱承雨
態圩頂借山垠材達三千士顛扶十二君絜餘周
氏矩伐懼宋家斤互易陳著策尋常蔭藻芹已闌
鷓鴣語祇待鳳凰羣整似垣牆衛班同昭穆分楷
將煙下綠楠亦日邊纏顏墓有
石楠屹嶻天門柱森嚴
太乙軍執鞭循古道植杖闕人耘嘆息梁摧魯低
徊社替殷厯階瞻拜後歸路自欣欣

灞陵

指點中原舊秦城接絳霄千山趨岳掌八水會河
腰法曲風前遠仙輪海上遙只餘行客路殘柳晚

蕭蕭

宿寶雞

歡馬陳倉道高歌引綠醅蟠溪吞日去秦嶺塞天
來孟郊詩南
山塞天地客緒忘新臘風光識古檉明晨入雲

棧如砥首重回

過柴關嶺

南出南星坡地平身妥貼知是朝陽升雲光着衣

梁溪詩鈔

卷四十一

九

濕盤迴行傍午始自柴關入向來所歷境了了在
目曉羣山如連城空中遞開闔古來多事者劃土

各爭蟄北指章邯封

嶺北廢邱
關邯所封

南識留侯邑

嶺南
大小

留壩張
良所封旗亭與柝樓蜂房散千葉關當山缺處遲

客有老衲問訊風土嘉木棉時可拾余生不備耕
萬里且負笈何日占仙巢晴霞任响吸

焦岩

焦岩石如吞象獅紛紛人馬行其願欲墮不墮雲

支持疾趨猶恐橫風吹空輝拂面搖漣漪萍間倒

掛蒼崖姿虛舟未識何處移龍江東走雪一絲沿

山向背無定期徘徊豈有黃鵠騎竹樹迎人張綠
帷彷彿遙關啼畫眉

南近畫眉關

雞頭石

雞頭石竦與雲齊漢上先聲閱舊題行處曙星猶
磊磊懷人風雨忽淒淒插來碧落千枝笋掛作銀
河萬丈梯自是途中談客少相逢真欲叩坤倪

過百牢關

澗道東西瀉玦環行人如織百牢關馬頭尙掛秦
時月牛後曾通蜀國山草識旗亭侵畫壁花憐羌
女上垂鬟茆籬處處安深樹可要儂家遍轍轅

梁溪詩鈔

卷四十一

十

五丁峽

五丁最險峽豈料兼幽秀委蛇凡幾轉一轉一字
宙日光容不多兩崖互驚鬪其上古雪積其下春
葉茂中間鳥道盤山神恍接構石理皆方斜不能
作圓皺旣無棧與梯脩遠雜新舊簷牙出歎危洞
屋忽明透枝如仙人掌折若古釵籀霏霏泛珠泉
急張乃徐扣窺底知虛無尋源懼悠繆我身裹綠
雲我馬嵌虛竇橫策倚樹根石與人俱瘦前呼若
爲聞旁隔未可授心祈莫顛隕一笑又聯袖回憶
開峽來幾主復幾寇如今遠蕩平晒此五丁陋其

功不可忘足用譬家獸風塵勞訊問記一恐十漏
夕陽生爨煙粉本猶堪就

上林舟出朝天峽

峽江舟狹長人如坐竹籜船頭置去槳郭索緣蟹
脚舟子手生踈避就共斟酌常恐觸淺灘轉作無
底橐灘急乃倒行一溜俊鴨掠猶然千丈繩縋後
各袒膊入峽水停滌展自得寬綽全身入綬韃欲
攬忽已索呀然雙門開歌痕誰斧鑿皴青銅色淨
泥土那敢托西崖掛凍瀑中住不肯落映以青虺
枝竊嚙來髯攬東壁多方空劣可巢燕雀點排高
梁溪詩鈔 卷四十一 七

復下知古設棧閣何年盡摧毀天與水相錯想像
舊時路人馬同驚愕如今陸循嶺人破百草屨固
知舟亦險竒境未可却陂陀望雲鋪午飯一晌泊
振策入煙中前瞻莽無着

長途千折險僻境百蠻開雲欲浮山去天疑壓石

來暖將春作臘人喚杏爲梅酒旆風搖處還思江

上杯

有惠泉酒帘

天越

詠甌中蠟梅

膽甌忽認紫羅囊一角橫安鈿尺量徑欲清歌煩

宋鵬恰如名士遇黃香鵝兒酒嫩春先至翠羽簾
空夢正長廿載塵埃慚汗額臨風休羨壽陽妝

木耗關前木耗河分明風月送愁多若為變作葡

萄酒肯費儂家金巨羅自註此詩建昌伎能歌之肯字順口歌作便字

嚴道猶傳鄧氏巒荒煙苦霧掌中看漢家恩澤原
非濫只賜銅山不賜官

亭更成都卽事

滿斟郫酒淡于涇碧荔風流意外馨鸚鵡南方語

梁溪詩鈔 卷四十一 七

叢雜琵琶三國事零星燈前舊雨還今雨劍外長
亭更短亭莫道故鄉縈遠夢坐閒談笑似家庭

夔江

白帝城頭渡曉鐘夔江何處訪前蹤論人宜具千

秋眼懷古難平五岳曾諸葛灘空遺亂石少陵宅

隘剩欹松接天山色清如許欲棄蘭舟借玉筇

水疎過艫艦峽卽少陵題詩之空靈岸

長江如琴絃絙向大地面掩抑度風姨宮商屢遷

變我從若水歸放溜下吳甸重交占古易堆疊詢

俗諺共指神女峯娟妙未及戀惟餘半壁靈搖曳

樓雲練石齒解吞舟反以舟形現固知開闢手難
盡規矩線少陵逆浪遲所歷後人羨託墟欲營居
吟成但留眇微生苦塵途足且中原遍思爲星漢
遊入月乘槎便

聞前泊沙市有贈

勞生役役伴長鞭一舸新從蜀峽旋江入洞庭疑
到海山來荆楚盡成田喜吟王粲登樓句嬾索君
平賣卜錢知是人間行樂處梅花香裏枕書眠
黃州竹枝詞

借問堤邊遊冶郎春來可遇杜蘭香簪兒想是蘭

梁溪詩鈔

卷四十一

七

芽短裙帶應同蘭葉長

和響泉咏蘭

空山流碧雲曉露濕芒屨相思不相見歷歷尋芳
處君宦三十年歸來仍韋素雙橋帶草堂中有幽
香住靦面共忘言清吟堪堪歲暮凌風懷古人湘江
問前渡

梁溪詩鈔

卷四十一

七

淨綠不可唾萍開插遠峯溼雲多演漾水鳥亦從
容落日無人釣寒村有夜春昔賢於此隱詎是守

踈慵

蓮枝詞園總覽真文愛慕感同心龍心啟

送春江上劇新愁兩兩吳娘唱枕樓不有蓮花持
色界白蘋紅蓼已風流

讀東漢書

恢復高皇業嵯峨部邑新帳中眠舊友臺上畫功

臣稍識循良化多愁識緯陳前車赤眉在底事又

黃巾

數萼秋海棠

小草何當近上林御風終傍粉墻陰依稀消息銀

瓶手錯莫年華錦瑟心妃子池邊雲似夢羅敷山

梁溪詩鈔

下月如襟悲秋應抵傷春句付與騷人費苦吟

榮落非關莫茨墀骨青髓綠近仙芝舞來掌上翠

雙剪淚入壺中紅一絲暫立蜻蜒衣綽約暗籠蹙

蟀語參差勸君且盡盈觴酒金縷歌殘剩折枝

莫誤伊州作石州新聲併入漢宮收相思蜀道三

千里歸夢金陵十六樓祇覺蓬門堪寄傲誰知竹

徑本通幽驚寒鸚鵡從人絮遍地霜華凝欲流

春明舊事最堪憐冉冉幽懷記歲年婀娜正當黃

落候丰容不值艷陽天立殘危砌燈生暈眺盡平

蕪玉有煙南國騷壇真汝愛遨遊何必錦江邊

金曹中翰元俊

如茂前字偉君號柳溪竹屋先生輯五仲子少年
英氣咄咄逼人庚午舉於鄉甲戌榜後考
授中書工書初學文待詔旣而學顏曰吾
徒若愚今而知宛轉廻向沉着收也又工畫師心
學顏獨運有宋元人意嘗於其座圭莊中丞齋
中書中玩月客云月流平地水偉君應聲曰雲
起半天山中丞歎賞謂當讓出一頭天不
爾泉永其年士林共惜之

梁溪詩鈔

卷四十一

五

縞袂經年隔荒城草又枯無情憐物候慣別悵吾
徒泉冷聲逾咽窗虛夢亦孤預期談鄂渚黃鶴共
招呼

題畫

翠嶂橫江立秋泉遶舍聞林居常寂寂木葉又紛
紛寺影落前浦鐘聲流斷雲此中有真賞風景過
橋分

楊少府索畫偶題

收釣前溪掛夕暉掉舟且趁落潮歸待他明月如
金鏡好把珊瑚拂翠微

觀珍山先生藏畫晚歸奉東

卷三十一

長安日日飛塵埃半年走馬黃金臺曰歸一為問
家室北風括地牕誰開何幸顧厨為我啟神物收
藏已久矣是時天澹春風寒雙成冉冉騎青鸞晉
陵唐寅畫入妙絹長八尺四尺寬懸之高堂入畫
棟百鳥羣來朝彩鳳顧厨有畫雖復多只此堪充
萬壽貢方今聖母花甲周 皇太后六十萬
恭逢
梯航萬國走珎球秦珠漢玉周簠簋 帝命
盡却不一收搜羅筆墨浩烟海臣下藉茲供壽愷
助君飢歲恤貧餒君今韞櫝欲何待嗚呼絹本非
梁溪詩鈔卷四十一 去

侯孝廉洵

字思泉庚午舉人詩有天涯草

平望舟曉

聖母花甲周

卷六十一

濃睡篷窗穩衝寒雁一聲霜嚴朝日淡波靜曉烟
橫有劍行囊壯無裘傲骨輕離家竟何適冉冉又
東征

吳孝廉寶洛

幸應楓

是日字禹範庚午舉人粹躬叔子性忼爽嗜酒

偕友遊惠山醉後墮河死年三十

漁樵耕牧四首之

泛泛春水悠悠鳴榔一簇一笠烟波蒼茫鉤亦可
直釜亦可忘醉狎鷗鷺嘯歌滄浪欲往從之在水
一方一乘寒風晉川決坐日聲靜之正火燭未
澗水磨斧其流涓涓樵風初來林壑悠然得柴換
酒道遙忘年白雲在岫明月在肩踏歌醉歸得天
也全同燔釐服幼同整季父雅精研思讀書其友
有烏布穀林間乍啼起視東臯春雲可犁跨我黃
犢經過橋西新苗滿畦新水滿溪庶幾桃源于胥
樂兮辨離離牛來賦始牛春草猶牛春新好鄉同
梁溪詩鈔卷四十一

七

三尺鞭籠馭牛來過飯牛春草飲牛春波我職司
牧不知其他牛飽我卧于山之坡短笛一聲盎然
太和詩錄移用牛春草猶牛春新好鄉同
出王司教龍見

醉後戲字在田號默齋晉川先生長子庚午副榜
歸水德官天長縣教諭出入能承父志讀書行已

樂哉 一秉家風晉川先生已嘗稱之丁父艱未

直釜衣三年而卒年三十九諸孤皆幼所著詩文
多散稿散失殆盡今其仲子煦於遺篋中偶得

一首以示登之

秋夜

亂雲如水夜何其句自天來只自知月上疎簾花
出没人依芳樹影參差工夫急進神須暇性體涵
虛意欲遲惟有秋聲攔不住却從何處費相思
顧學博掄元

文字炳奎號凱庭庚午副榜候銓教諭光旭

季父也幼同塾季父殫精研思讀書晝夜

不倦性沉靜寡言笑遊京師獨寄一室絕

不與人交癸酉試京兆歸逾年卒年三十

吳溪詩鈔

卷四十一

十六

易州館夜聞鬼嘯

客思浩無端秋風易水寒一燈山鬼嘯四望夜漫

漫壬申秋季父赴易州摠管之聘癸酉春還京言館中屢有鬼叩門啟視一無聞見因吟此詩光

旭謹誌

文境八首

從來天地大只在筆花中異境頻開闢奇文貫始

終庖犧無朽腐學究有神通辭達意而止才多或

不工

遂有筆凌雲童年爲綴文座中驚老夙天上下將

軍庚信

虹起看河馬風來到殿薰世傳臺閣體芳

意落繽紛

高詞逞雄健苦意造幽遐磬落峯心月樵歸澗上
花馬班非異曲韓柳並成家各就性相近天喬共
發芽請邀嶽當賦歲未期世風賦劍劍舞樂賦
放懷今古際得意有無中花綻心多妙泉香悟後
通雨漂茆屋白日照鳳樓紅萬象皆堪會經營自
不同昌黎節因文具茲來黃賦賦萬事絲筆著三
文章有比興非獨在聲詩天籟寧無韻人心自不
知雍門琴已遠流水調何遲吾欲尋其趣孤舟海
上期

梁溪詩鈔

卷四十一

五

諸葛真名士其文何所師志充惟養氣誠立足修
詞直邁西京上應爲東魯遺令人發遐想抱膝獨
吟時

崛起昌黎伯因文見道來黃鐘根萬事綵筆落三
台龍虎開山澤鷹鷗動草萊起衰扶八代不使秦
山頽今古烈聲意本無中外變必從心泉香韻
此事詎遂廢當知道未明世風趨險峻神聽樂和
平五德當王貴千江就下行論文吾輩事六藝有
中聲

侯大令可儀

東西漢字于達號雲峯伊傳子少孤自力於學庚
水滸圖午副榜初官龍山令再授五河縣罷官後
榮繼子貧無以自給年六十九卒於家

八舟發盱眙望龜山

名山萬古鎮崔巍砥柱中流石欲飛落日荒城啼
怪鳥顛風渡口舞支祈身經久客行囊薄舟托洪
濤性命微却憶五湖年少日白蘋楊柳釣魚磯

邵上舍柄吉

字夏杓梁夫子國子生博學工文蹭蹬場
屋年七十卒于家

梁溪詩鈔

卷四十一

三

侯氏亦園余祖芸石公會館焉秋日過此悵

然志感

五十年前翰墨林風流銷歇憶人琴井梧瑟瑟催
秋老池草萋萋積水深早誦清芬爭繼志難尋舊
雨暗驚心荒亭岑寂私惆悵野鳥無情送好音

酬鄒大豫章

凡卉盈堦前當春刺眼明芳菲各競吐毋那爲朝
榮鄒子拔塵俗豪素託深情雅意雲霄上凝神秋
水清圖史列萬卷讀書攝其精爲文力追古出入
東西京興來一臨池森如劔戟橫行間風雨至腕

下龍蛇驚贈余以琳瑯奪目光晶晶我生鮮兄弟
出門傷獨行落落宇宙間高懷足平生憶昔同負
笈君年未二十英銳冠一堂矯如獨鶴立余時相
步趨駑駘苦不及具此不世才青紫俯可拾忽忽
二十年驥足猶見繫余固早衰敗君顏似羞澀回
首問蒼穹莫下楊朱泣試看雲中鳥轉瞬思斂戢
升沉亦偶然夙昔空於邑君子貴藏器願言且什
襲

歲暮感懷示辰耀春和兩兒

風雨逼寒牕淒淒歲云暮達室獨徘徊余懷向誰

梁溪詩鈔

卷四十一

三

訴老大生悲傷貧賤少親故上有白髮親血衰兩
眼瞽下有嬌癡女飢來漫相呼辛勤井臼間掩抑
不能語終歲鳴機杼筐中無尺布丈夫志四方嗟
余多內顧昔人鑒前車兒曹盍早悟少壯難再得
轉瞬流年度人生重不朽富貴非所慕達人欲任
運君子貴行素

積雨

苦雨連宵至朝來沒釣沙隨風斜破塊和霧暗飛
花積悶勤開卷長貧懶問家蒼茫雲水外何處是

生涯

聞說秋苗好關心望眼賒蛟龍爭出穴阡陌盡成
窪樵爨愁沉竈催科早放衙灌壇難再遇元冥擬
回車

碧山何有十老堂月明欲素松風長松風吹入換
今昔昔人一去歸何鄉歸何鄉圖尚在圖中點點
生光彩堂前花落隨澗流年年澗水東流海碧山
依舊鳴清泉吟社一變爲蒼烟初時修敬老孫子
秦封翁之孫叔度先生復爲後十老倡修此社能光前前爲韋布後

簪組文質彬彬遞可數此圖但寫前十人樹木疎
梁溪詩鈔卷四十一 三

疎特蒼古泉翁一跋如鼎銘令人寶此如流馨社

有流馨亭後十老所創也當年已爲人割去失而復得裝吳綾

天道廢興盡如此只有斯圖常在耳嗚呼吾知斯
圖亦難守安知更落誰人手

春風披早歲回首一嘘唏求道無今古憂時有是

非艱難生計拙寂寞壯心違桃李花爭發歸來晝
掩扉

兒輩應試歸示之

得失吾勿言爲爾論往事大父昔閒居汝生尚幼

穉繞滕給使令翩翩可人意晝長學臨池更殘斫
奇字時或顧予喜謂孫頗穎異忽忽春復秋胡不
念先志兄也既樸鄙弟今猶嬉戲一蹙不自振再
蹙甘自棄將無世業隳男兒枉墮地念此不能寐
中夜頻心悸

坐共施大體瑾歸而悼亾憐蕭郎之獨返悵謝女

空蕩魚之難回爰藉短章以唁愧無麗句相將

寒風颯颯雨濛濛有客歸來自洛中千里孤踪看
泛梗一天愁思付離鴻羅衣虛掛香猶在經案常
留鏡已空惆悵浮生多聚散爲君把酒問天公

梁溪詩鈔

卷四十一

三

秋日登林慮署惠德樓望太行山

萬山如馬奔及關高樓四面面面山太行西峙互

起伏橫跨燕晉盤雲鬢就中突兀倚陽頂孤掌摩

空蕩虛景問誰弄斧魯般門

有峽名魯般門

手劈斷崖來

坐井崒律天平俯盤谷谷裡行雲光罔罔憑高放

眼豁塵襟衆峯歷落懷宗炳欲引孫登鸞鶴來浩

然長嘯空人境惆悵行藏獨倚樓中原依舊太行

秋東周遷後依晉鄭北宋亾來無富歐丈夫素位

惟居易富貴功名非倖致不知何處德星亭安得

荀陳今夕至

劉上舍松苓

字九思一字雪坡國子生詩有醉吟艸叙
某詩曰雪坡酣於詩酣於文酣於經籍酣於交
遊酣於山水獨不耽杯杓奚以名其詩蓋
雪坡所處不可不醉人所不能堪者雪坡
又飲我以醇也云云青城葉潢書又有克
省齋漫語上下二冊中云去私是爲人第
一義去私如斬葛藤斬去葛藤方好走路
人只是被葛藤牽纏住了到死還是滿腔

梁溪詩鈔

卷四十一

五

私心分香賣履無所不至此類數十條醒
世多矣詩餘事也

擬古

神憑石能言鬼笑利難逐解竈召誅夷失馬基禍
福雜念何紛紛飛鄭人真夢鹿我有照瞻鏡照人見
幽獨天懷據塵緣交戰互興伏麾之還復來如是
再三瀆少時神氣清迴光欲滿屋群邪忽冰釋杲
杲桂林未湛湛一寸中如入萬花谷舉目皆含春
妙處難窮鞠嗒然吾喪我所得在淵穆
大野龍戰血俊傑思乘時蕭曹起胥吏信布因流

離俱壯風雲圖蔚爲帝王師陰謀伏豹虎長劍誅
蛟螭遇合洵有期君子貴不羈卿雲豈無學屈宋
尤多奇世運異所遭補苴亦徒爲况乃抱踈拙榛
莽藏雄姿猥云事高蹈冥鴻邈籓籬

上馬能殺賊下馬作露布勇號萬人敵博推五經
庫功成位通侯寵極駕朱輅社稷繫安危蠻夷率
歸附子弟椒房親戚屬根蒂固指顧生風霆趨陪
列烟霧門輕衛霍家車滿金沙路富貴來逼人豈
曰非殊遇一朝星隕地萬事如薤露珠玉委土塵
牛羊上邱墓宿艸雖自新盛名已非故峴山墮淚

梁溪詩鈔

卷四十一

三五

碑蕪岸傷心樹攘攘行路人誰急身後慕

海上三神山中有仙窟宅年壽與終古容顏自光
澤翡翠爲衣裳雲霞作簾席畀合黃金芽盤貯青
田核驂鸞遊碧落博戲坐磐石手種巨勝花口猷
琅玕液高卧芙蓉城永列丹臺籍如何下界土居
處不知擇具此龍虎資甘受紅塵厄

山居

莽莽塵埃自古今耽幽只合在山林鑿開石壁和
雲住種遍桃花夾岸深一枕笙簧禽語滑半窻香
霧竹煙沉生涯猶恐嫌枯寂著箇黃冠講道心

樵

腰斧入深林，輕擔出幽谷。不是廉于取，只恐殘良木。良木植榦材，作薪洵可哀。我懷松與柏，如見古人來。

茶人

茗椀中嘗有短梗，泛泛然若游若泳。俗謂之茶人，致爲可喜，聊作小篇賦之。

家本蒙頂山，流行欲誰向。名在金甌中，品居玉川上。與世在浮沉，立身空倚傍。風味託清泉，孰能識真相。

梁溪詩鈔

卷四十一

三

無題

手盥薔薇露，心含蘭芷香。綠窻書細校，忘却繡鴛鴦。

人間居雜詠

不怪蛾眉詠，還疑被鬼呵。全軀待溝壑，熱血灑風波。貧到錐難立，憂來髮盡皤。猶煩高下手，入室漫撿戈。

枯菀都閒事，端居感易生。惜弦修指甲，苦劫毀棋枰。鐵馬聲誰撼，金鷄曉自鳴。春風亂拋擲，無乃不留情。

性本違機巧生平况澹然銷愁每微醉因病得高
眠交解黃金穴遊無紅板船豪襟多減盡風月讓
時賢

也覺窮居拙風塵我未能遮梁憐乳燕止棘畏青
蠅渴向貪泉忍炎將傲骨承百年曾有幾可許恨
填膺幽人業業雲華散
破寂程功課閒堦事冥修種花憂不雨看月喜逢
秋磬室乾坤小霜葭道路修新詩滿桐葉吟向水
中鷗

十里虎邱

梁溪詩鈔

卷四十一

七

十里香溪抱虎林梅花含玉柳含金橫塘烟雨詩
人料別院笙歌蕩子心野鳥有情宜對酒春寒無
賴欲拋琴不須更學吹簫客翠壑丹崖縱意尋

訪倪西疇卽贈

綠晦幽人業深雲薛荔墻聽秋分潔癖耒雨帶經
香檐牖心千古乾坤錦一囊不知塵俗外車馬逐
風霜

渡江

烟水蒼茫萬里舟片時飛渡似輕鷗大江南北寬
如許却放絲綸事遠遊

鬪破秋雲摘晚菘詩經村裏訪毛公千年風雅歸
瀛海不敢高吟夕照中山管武千師餘響啄
酒酣高歌月當戶意氣飛騰滿天路清寒萬里不
可量一併收來入詩句施君巨眼勘古今據案能
參作者心淋漓大筆撼山岳醉後發興同狂吟狂
吟爾笑我欲哭天空地濶轉局促丈夫橫鶩沈家
間那暇周旋一籬菊西風颯颯暮雲輕約共天涯
聽雁聲當前呼酒且更飲要看皓魄周天行

梁溪詩鈔

卷四十一

三

借秦凌滄秀才侯清溪道士遊管社山

太湖三萬六千頃沐日浴月雄東南扁舟我昔載
葶酒蛟龍窟穴窮幽探咽鳴咄咄山鬼遁喝落星
斗澄寒渾身披羊裘歌大夏故友重招來管社馮
夷欺我老不才驅令洪濤迎權打倉皇之間傍溪
曲蓮沼菱塘鑑青綠楊君舊宅苑榭荒巨手開山
殊不俗從容小憩更遠尋披荆撥莽臨高岑別有
異境豁人目水勢震盪山浮沉千帆絡繹初如織
檣影都從天際沒夫椒橋里指顧問少伯夷光人
恍惚浮生碌碌悲如何白日消磨空浩歌祇今充

早秧欲死願舉震澤傾滂沱

知音難追步明學士王耐庵先生韵卽示王

知音難自前古

知音難琴自彈知音難劍自看抱琴來前琴不語
獨含風雨絲桐裏拔劍在手劍有芒躍躍精靈歐
冶子今古悠悠蚕蠹紙琴心劍氣終不死少年披
此京華遊誰無意氣期封侯導揚仁風奏
御座摩抄星彩登邊樓我亦風塵去來客隨身不
獨甚宏碧停雲雁柱貯錦囊截鐵龍泉光典籍齊
門落寞馮欽碎浩氣空餘一手尺歸來進戶雀可

梁溪詩鈔

卷四十一

三九

羅從此班生悔投筆知音難咎我琴我琴非無音
知音難咎我劍我劍猶生酸只是聲光太逼人天
生神物品絕倫莫論聲價值千萬等閒足傲烏紗
巾末流誰稱藻鑒士天下中庸問伯始如何桐燒
太阿倒遂令塵埋勞濯洗琴兮劍兮爾醒然此生
遭際皆由天鳳凰戢翼蛟蜃臥艸茅自足興雲烟
君載鼓我載舞元音悠颺俠氣吐休嗟世上知音
難知音難自前古

夜坐

檢篋居諸舊荒疎艸滿窓獨絃悲夜鶴孤嶼夢秋

江暑逼心仍冷年拋氣盡降無聊對書卷終苦費
銀缸
題出獵圖
大獵平陽士氣囂絳衣爭羨五陵豪玉鞍金絡桃
花馬羽箭琱弓蜀錦嵌格獸已無熊在眼獻禽應
有雉爲膏長林豐艸尋常役頭黑人看擁節旄
秋眺感懷

江上鴻飛暑氣收淡烟踈雨正清秋亂帆千里斜
陽外老樹多年古渡頭極目蕭條看物變撲空涼
吹向人愁不勞更起陽阿調越水吳山早倦游

梁溪詩鈔

卷四十一

三

覽物懷人託短箋每逢秋日興孤鶩小窗冷逗梧
桐月野岸香生橘袖天雁字看鐫媧氏石瓊芝新
出綺園田只愁節候偏遲暮錦瑟空彈五十弦
秋水朝生晚放船梁鴻溪畔惠山前若爲罨畫誰
高隱如此風光付逝川近代雲林真崛起千年桑
芋早開先劇憐古墓無人識落日哀猿叫冷烟
鶴夢鷄譚向夜清幾人浮世百無情敢希白月同
昭質頗恠黃花負盛名舊雨不來心欲冷秋雲最
薄眼猶明懸知窶藪身無定釀得新秬且滿傾

梅杖石門和朱霄菴鍊師

選得孤山最勁枝橫擔風月豎尋詩携來曲塢春
常在曳向前村雪更宜鍊骨支寒原似我鳩形本
瘦欲扶誰須教撥動陰陽竅調燮元功正四時

辛未夏五余應澄江院童子試傍晚放排與同
學數輩小憩道旁茶肆中余中暑痧發茶頃大
嘔吐舉座盡散而余已昏暈不省人事久之一
友呼曰醒醒可行矣視之則雪坡也余曰公真
長者世上小兒誇疾走如君相待今安有黑夜
扶掖至余寓已三下鼓矣嗟乎雪坡瘦欲扶誰
爲之隕涕同視

弟顧光旭識

劉玉茗尊素

字壇武檜林子思茗弟著有玉茗詩艸

悼徐氏姪女

梁溪詩鈔

卷四十一

三

去歲我遊楚送我涕泗漣心傷骨肉踈問我歸何
年女子有遠懷別緒乃萬千我行不能止汝悲不
能言豈知遂永訣百慮潛自煎一燈熒熒然百年
從棄捐棄捐無如何我今已言旋翻憶送我時掩
泣故不前

汝翁爲余言婉順信莫覲汝夫爲余言敬戒終恪
守竊喜能宜家天竟奪汝壽憶汝失恃初垂髻甫
學走汝父常遠行牽衣屢余就慚愧爲叔父而未
能先後于歸無綺羅出閣搽井曰生存不汝憐于
汝則何疚

周南村若金

字汝兼諸生有南村遺稿

暮春野眺和顧諤齋

忽忽春歸喚奈何長堤短陌任經過引風飛絮沾
泥少破雨啼鶯出樹多却對遠山爲伴侶且披單
袷試清和日長拄頰閒吟處一曲滄浪起浩歌

潤州道中

楊柳蕭疎江岸秋夕陽城郭片帆收朝來覓紙書
驢券一路看山到石頭

楊贈公鴻觀

梁溪詩鈔

卷四十一

三

字雍度號鸞溪工詩喜交遊遊跡幾半天
下客湖南時少獲脩脯卽爲父端操公梓
其遺詩并刻從兄鶴沖詩家無擔石之儲
親友有以窘乏告者必傾囊給之或勸稍
節嗇爲衣食計答曰君但放開眼孔彼節
嗇者知有已矣能長有耶顧不永年所著
有真率齋集其子芳燦揆皆貴以揆官

贈如制

丙子秋送諤齋內兄之湖南

送君澄湖陰秋晚風蕭颯迴峯斂餘暉孤棹尙未

發蕭湘道路脩遊子心悲切執手共徘徊須臾欲
離別離別在須臾撫膺發長吁欲持一尊酒與子
酌空廬自愧藜藿羹多慚筍及蒲歡飲猶未已悲
懷從中起仰視百鳥過載飛又載止日暮登君舟
唯聞西水流流水帶離聲含酸動客情我昨辭京
洛君今向洞庭懷兄我惆悵別妹子丁寧解纜共
太息靡靡卽長征長征人已遠歸棹一何緩孤燈
暖不明驚鴻行乍斷嚴霜薄踈林悽歌發羌管顧
望絕音形但睹秋容滿

冬夜懷邵甥柏庭

梁溪詩鈔

卷四十一

三

積雪映空廬四壁覺清峭寒梅助孤吟幽人懷遠
道遠道何漫漫勞人徒草草人生天地間饑寒苦
紛繞驅之卽長衢風霜一生飽良玉貴琢磨相勗
苦不早造物何足憑此身乃爲寶黽勉嗣前人莫
遣性靈天眷彼西流水愍此南枝鳥契濶千里餘
將心托蒼昊握手知何期緘書寄陸杲

曉發趙家山

桑植境內

新陰茂夏初殘花媚春杪侵曉履巉巖林壑應啼
鳥霧重方濛濛星踈猶皎皎我愧青雲流儼出青
雲表暫望登涉勞坐愛鬪鬪妍皇仁被南夷赤子

入襁褓會豪爭獻土何曾事征討分符列郡縣剪
棘樹城堡茲山雖險巖坦若履周道原野四望通
谷口桑麻繞籃輿此中行悠然遇熙皞

酬雙溪內兄

初到桑植縣作

東北有飄風吹我向荆楚楚江連洞庭道路何修
阻涉水復登山心傷吧與岵回首望鄉關淚下忽
如雨行行到山城破涕且歡聚別來七星過雲樹
縈離緒今夕是何夕丰姿快重睹宦拙神獨完心
澄政多補琴牀渺訟牒竹閣仍書圃眷眷念慈闈
家常話覩縷羨君以祿養慈闈得安處慙予越關

梁溪詩鈔

卷四十一

三

山徒能字兒女清芬藉揄揚感極不能語

雙溪兄為先府

君作小傳出以見示

蔡翺崔敬女

崔敬次女代姊嫁于吉項此係南宮縣事

女嫁父母命守經禮則然崔丞女賢淑倉卒能達
權長史倚勢位

項之父吉懋官長史

強合兩姓歡陰持下吏

短不通媒灼言致期一何促百兩已在門崔丞正

惶懼

敬時為南宮縣縣丞

丞妻坐長歎女心石難轉僵卧繡

閣間幼女前致詞阿母母憂煩阿爺有急難作婢

分亦甘况是閨闈家豈遂辱門闌却入深閨中移

時施朱鉛攬衣拜堂下慨然坐車茵雖失掌中珠

夙嫌都棄捐壻旣結金龜

項官同平章事

女亦乘魚軒千

載仰賢達此事信足傳

與南宮縣署除夜感懷

蓮花漏永已五鼓萬室雲連將閉戶殘燈閃閃怯

青寒遊子衷懷向誰吐幾回搔首憶當年辛盤羅

列高堂前朝出辭親暮在側春風里舍相周旋自

丁艱棘心悽惻奔走東西覓衣食沅湘浮泛老光

陰蘭芷飄零滯南國古崇山右別虎頭

辛巳春訪內兄顧夔

溪于桑植其年至

入漱澗迴選勝遊年年文酒相

徵逐泉明于我何綢繆

漱浦陶明府金諧南城名進士

紫燕啣泥

梁溪詩鈔

卷四十一

三五

經五度却向桃源溯歸路橐金空博妻子歡往日

慈顏今不睹自昔居貧不易居饑來驅我何所如

三春煙景方明媚空向天涯策蹇驢劍閣連雲巒

障碧巴江通海波濤白往來迢遞多艱辛曰歸經

歲又于役

丙戌春往西川陽安署冬杪旋里

于役遙遙指帝京征

鞍暫息東陽城側聞爆竹催清曙一寸枯腸百慮

并流光迅速如飛電悵惆酒壚人不見睽隔江蘼

幾度春可憐宿草彌荒甸

陶君諱任江華雙溪卽世已三年矣

明朝

簫鼓鬧春風冀北江南兩地同不知伯樂今安在

慙愧人生類轉蓬

彭澤道中

靖節辭官去空山有舊城扁舟經野外斗酒酌先生每愛琴書靜多慚名利縈柳梢春可折動我故園情

雨窗寄懷掄姪

今夜巴山雨幽窗汝獨聽遙憐矍相圃仍接草元亭掄姪書室在面壁常搜句聞詩屢過庭夢迴鄉

國迴愁對一燈青

舟泊君山夾有感賦

酒淚辭家事遠遊孤帆一片洞庭秋關山不隔江

梁溪詩鈔

卷四十一

三

鄉夢風雨能添楚客愁九十日春今晚晚三千里路足淹留浮生已寄乾坤外坐看驚濤撼岳州

馬道驛

脩途杳杳入青冥芳樹春流儼畫屏廿四危坡行

欲遍空山一夜雨霖鈴

自留欄至褒城危坡二十有四

劍閣

四月山深怯暮寒崢嶸劍閣出雲端據鞍不敢題

殘碣朗誦青蓮蜀道難

陶秀才守謙

字自牧諸生美丰姿工書能文早卒

自無咏筆管中蒲蘆
風入留於林外
蟬鳴
么麼何處可生存
負土無多便杜門
毛穎禿來誰
任咎管城奪得
自言尊偶和葭莖
同名字姑以螟
蛉作子孫
短幘纖腰都似汝
教兒良策可詳論

蕭齊秦皇

一宵出夢好

懸盡投骨

文

七國偕亡秦最先
將嬴作呂豈非天
貪生不念坑
中士濱死猶思海
上仙
劉項功成山鬼後
斯高謀
定鮑魚前可憐
殺運終還始
斬刈元元又十年
浦秀才淮音

字德星一字鶴臯諸生浦山僉孫也性孝

梁溪詩鈔

卷四十一

三

友文思敏妙時爲其祖代酬應之作點筆
伸紙幾能亂真惜早卒

秋夜投惠山不二門宿將於質明陪祀家祠

山色偏於夜色佳
况饒秋意滿庭階
室虛生白月
當年香遠益清風
入懷餉列野蔬消
茗椀奕翻新
譜落松釵一宵塵
夢祛應盡好借安
禪作散齋

曉起望南山銷雪

更覺

更覺

更覺

旬日山容詫改觀
朝來畧識舊巖巒
巒禱鶴點蒼
煙破斑駁雲浮碧
落寒放脚卽堪攜
謝屐呵毫猶
自賦齊紈陰崖莫遣
迴風入畱待梅花
照映看

華秀才紹濂

字西京諸生幼孤奉母至孝母病積勞成疾先卒西京性沉敏讀書過目成誦累數萬言不遺一字又終身手不釋卷爲文操管立就不加點竄學使者李鶴峯亟賞之調學富才贍罕有其匹頗不事脩飾徃徃晨起執卷面垢不淨者彌日其詩長于諷論論古具有特識世重其文悲其遇云

平原君

千里招賓客長平貽國憂不收戰士骨空斬美人

梁溪詩鈔

卷四十一

三六

頭碌碌誰成事翩翩信莫儔何當笑無忌妄與博徒遊

信陵君

羸乃抱關者安車辱貴入市中過屠肆堂上待嘉賓義激扶危趙威行却暴秦存亾由七尺長夜飲醲醇

范雎

伏匿更名姓依人函谷遊匡君疏骨肉取相快恩讐爲有綈袍贈應將莖豆酬解衣兼惠食故友尙

綈繆

呂不韋

邯鄲大賈善持籌積得金錢怕浪投獻妾兼收秦
社稷賣文冒取魯春秋三千賓客分餘潤萬數家
僮效巧偷却怪史遷登貨殖不將相國冠當頭

秦始皇

三古經綸掃蕩然威加四海振長鞭侍醫救難君
臣藥大賈居竒子母錢已畢六王應號帝方傳萬
世又求仙夜行遺璧華陰道衡石程書得幾年

漢高

楚歌楚舞泣英雄四海雲飛賦大風自是情長爲

梁溪詩鈔

卷四十一

三

兒女昔年俎上棄而翁

數闋悲歌顧戚妃高翔鴻鵠事全非宮中有雉看

雌伏羽翼成時一樣飛

項羽

據鞍叱咤萬夫奔百戰疆場日月昏時不利兮騅

不逝看人馬上得中原

涕泣分甘婦女仁不將印綬報勞臣烏江偏肯捐

軀贈萬戶侯封德故人

韓信

豈料無雙士還同噲等看真王不負漢大將獨追

韓功已高三傑恩猶報一餐最憐鐘室恨辜負釣魚竿

陳平

志欲宰天下何堪里社中奇謀用女子陰計殺英雄王呂輸陵直安劉讓勃功榮名由智畧傾側善初終

四皓

四皓餐芝巖谷間與人骨月入朝班唐虞太子皆輕廢巢許如何不出山

司馬相如

梁溪詩鈔

卷四十一

四

座上人心琴上弦遠山眉嫵酒壚前無端却怪臨邛令破費王孫百萬錢

李廣

藍田山下對斜曛百戰曾超貔虎羣莫怪霸陵呵醉尉飛將軍是故將軍

和親

玉顏出塞靖金戈一曲琵琶奏凱歌已笑秦城爭地利又誇漢策得人和爪牙豈恨高皇少口舌從來齊虜多不見彎弓曾射父外孫抗禮便如何

蘇武

轉遷海上牧羊初雪窖水天萬死餘不負漢恩持
使節忍看胡服拜穹廬他年良佐圖麟閣此日孤
臣寄雁書攜手河梁嗟一別少卿歌罷淚漣如

李陵

家聲三代將灰力五千師一旦更胡服看人漢節
持

司馬遷

丈夫能忍死成得一家言縱使虧肢體如何廢討
論當時下蠶室沒世仰龍門自古窮愁者同看著

作存

梁溪詩鈔

卷四十一

三

陳皇后

隱隱笙歌起因風度粉垣空言金屋貯爭似尙衣

軒夫猶怨及

衛皇后

富貴慎無忘催成宮樣妝誤恩何以報詔弟尙平

陽

東方朔

齒如編貝目懸珠莫笑悠悠七尺軀誦得萬言圖

一飽好分囊粟比侏儒

會稽太守

朱爲故妻思得郡嚴因友壻厭承明會稽太守連
城重富貴徒誇衣繡行

宗國霍光

廢置非常事功成要善持如何圖貴女不學自誅

兒

金日磾事

驕縱夷家日威權震主時從來安社稷勿

可顧恩私可盡不離職

朝簪拂拭鬢斑斑一笑相隨好出關何事蘭陵蕭

太傅秋風吹面不知還

梁溪詩鈔

卷四十一

四十一

畫眉纔畢影穿紗走馬章臺便面遮五日莫嫌京
兆短從來傳舍是官衙

薛警王尊

邛邛九折等夷途行部頻來叱馭驅笑殺王陽怕

乘險人間何處不崎嶇

楊雄

嗜酒談元會葆真要官落拓幾經春三閭哀怨懷

宗國反得離騷好美新

蒙被君王欲見難梨花一樹半摧殘他時帷帳珊

珊步傾國偏宜霧裏看

中興班婕妤雲華十里纔前駐
惟餘太史早秋風
純扇吟成拭淚痕
秋風乍到異寒溫
曾經出入君懷袖
棄置空箱也感恩

趙燕飛
飛燕命飄飄
燕鳴真
趙燕飛
留仙裙帶看續繙
太液風吹覆又翻
燕燕身輕應遜雉
飛來只解啄皇孫

沙麓崩時卜不差
上官呂霍漫紛拏
東征納冊藏金匱
西望行籌走鈿車
此日簷堂歡飲散
他時丙

梁溪詩鈔

卷四十一

四三

殿慘煙遮黃皇室
主新文母寡婦相
看舊漢家西
董賢

嘉名錫舍號椒風
揖讓唐虞半醉中
持較登庸先
十載年才二十作三公

留得玉莽香
餘太郊風
又隨燕燕良彈
讓封讓爵表頻申
符命應難讓卽真
屢做周書頒
大誥平林新市尚頑民

嚴子陵

嚴子陵
風斗
怪異

中興事業等雲浮
七里灘前理釣鉤
太史早知星
是客故人肯爲一官收

靈鳥能言度隴頭才人落魄滯荊州籠中日月筵
中客賦出哀音萬古愁

鄴中搥鼓鼓聲高江夏文成四座豪土可殺身容
可辱斷他黃祖勝曹操

劉謙

誤國猶留省內黃驅兵已困沓中姜將星墮地南
陽佐血劒呼天北地主

狄仁傑

諸武營求易李唐武家廟食絕天皇五王未曾梁

梁溪詩鈔

卷四十一

四

公意不斬三思斬五張

文天祥

壯心苦膽日星寒身世浮沉惶恐灘趙氏幼君歸
碧海宋朝遺老乞黃冠

于謙

臨危決策仗于公和虜遷都衆議空盡展經綸迴
北狩難調骨肉定東宮小人但報睚眦忿英帝終
憐社稷功持較前朝岳少保黃龍不搗泣精忠

逸樂東宮慮孝皇紛紛八黨恣鴟張老臣夜半栖

驟店少主春深宿豹房伴食西涯綸閣靜提兵南
贛羽書忙遷除天子何官好威武將軍大慶王

嚴嵩

鸞凰誰道是欽鴉離却鈴山拜玉墀西市諫臣埋
碧血東樓公子草青詞驪龍此日眠方穩黃犬他
年悔莫追羞說輕肥同蔡澤如何辜負贈詩人

原註

王鳳洲欽鴉行不知鳳凰是欽鴉刺嚴也原無
蔡澤輕肥念不向唐生更問年分宜贈日者詩

奉聖泰昌

身纔離白挺藥已進紅丸不省孫鄒諫惟交鄭李

歡兩朝宮妾亂一月主恩寬倉猝移宮事諸臣調

梁溪詩鈔

卷四十一

望

護難

良劍客魏

奉聖夫人魏聖人一時推戴遍朝紳拍心莫道君

臣假繞膝翻疑父子真九錫僭奢摹後漢五刑慘

酷過亡秦左楊求死非無意要見高皇痛哭陳

碧血東對公平草青詞驪龍此日眠方穩黃犬他

年悔莫追羞說輕肥同蔡澤如何辜負贈詩人

梁溪詩鈔

卷四十一

梁溪詩鈔

卷四十一

梁溪詩鈔目錄卷之四十二

國朝 乾隆

周學使曰贊八十首

孫郡博洙 二首 三首

王孝廉止敬 四首

秦孝廉景燾 六首

錢象山曜 十首 首

龔孝廉汝弼 林四首 首

劉孝廉鴻謨 一首 首

侯孝廉錫 十三首

鄒松陽清 十七首

梁溪詩鈔

卷四十二目錄

一

王光祿日杏 四首

顧司鹺瓚 四首

薛太史田玉 二十首

杜少司寇玉林 二十一首

秦伯方雄飛 三首

秦編修泰鈞 六首

周太守際清 五首

顧秀才豫 二十三首

以上共十九人十首

梁溪詩鈔卷四十二 盧天吳 顧光旭 華陽氏集

國朝 盧天吳 顧光旭

周學使曰贊

字上襄號醇齋辛未進士翰林院庶吉士
日未就改補戶部主事擢本部員外郎著有燕山
杏苑坐吟草醇齋少工詩詞鄒慎齋先生亟賞之
慎取與在戶曹不詭隨視學滇豫所至期
于潔身寡過得士以盡厥職蓋兢兢若不

梁溪詩鈔 卷四十一

及云

溪夜坐響雪軒作

虛室延白光寒蟾窺戶小纖雲滄林端斷雁數聲
杳深坐擁青綾觀書一燈皎相如惜異代枚乘徵
已老瞬息千萬年胡爲苦營擾蓬瀛恍可卽風引
便縹緲摩笛夢霓裳捫天青未了踏翻大槐國一
枕衆山曉

題海天旭日圖

我生坐井棲繩樞測蠡捫鑰行于于誰歎手摩鴻
濛筆置我日觀臨方壺天吳蹴浪驪珠吐消泐爲

魁老鮫舞天人一氣決
潏中劃然金門撒高弩
恍如燭炬燔長空珊瑚水
底搖玲瓏醞雞射眸雲錦
中稜稜暈碧磨青銅衝破
齊州煙九點普照寰中
窮髮徧穆滿西觀通崦嵫
何如泰岱昇初見長橋
橫竦何崔嵬致令滄海皆
塵埃達人貴識畧形象
戶牖卽具通天臺鄒生腕
下乾坤換會遇乘槎入
銀漢一幅鷺溪是綵繩好
趁駒光鵬翮展

九日登陶然亭次友人韻

亭上遊人笑語歡又逢佳節倚闌干
蘆花舊雨曾

相識煙水今秋倍覺寒

自入都後三逢重九來登此亭

作賦祇應

梁溪詩鈔

卷四十二

二

悲宋玉帶經悔不學兒寬
木蘭墜露堪朝飲收拾
黃芝佐夕餐

潛山盧烈婦詩 有序

盧夫人明奉直大夫熊應輝之配流賊作難公
攜室避亂山中賊至執公索金夫人罄室與之
不獲免公遇害夫人被擄至蓮塘坳絕頂奮身
下澗格榛荆間賊鈎挈之上拔簪破面罵賊不

已賊醢之我朝表其廬

伏臘次熊普照寶中

插天山作柱勁節迥于山

邕有天桂山

霜操摧蘭質冰

心碎玉環安常德曜並蒙難禮脩班脫珥方投虎

樓嬾更遇豨拂衣披岵嶠倒戟起潺湲猶厲常山
舌先塗文叔顏松楸凝碧血風雨洗朱殷奕代傳
香骨垂休彤史間

歸舟雨泊

拾得飛花認六朝過江還唱雨蕭蕭舟居溪畔三
椽屋秋在牆東一葉蕉陸賈裝虛慚老大馬卿壁
立歎飄搖白雲親舍淒清甚莫問當年季子貂

甲子正月二十日感泣成咏

一領征衫漬淚漣慈顏已渺隔重泉百年未卜眠

牛地片刻難留控鶴天七載白雲飄夢裡半龕青

梁溪詩鈔

卷四十一

三

炬照靈前摒擋婚嫁誅茅定猶貯餘壘供奠筵

一 外舅鄒慎齋學士殯于鎮麓哀輓

靈風蕭瑟白楊吟會葬人知大鳥心若問羊曇無

限恨淚痕何似瓣香深

一 逢黃九許能詩便許牽絲侍絳帷今日招魂歌

楚些年年宋玉向秋悲

佳城鬱鬱枕寒流水淒清夙願酬昔愴西河今

作伴夜臺攜子好同遊

公會有思子
到夜臺之句

大隱金門廿載餘歸裝只載一牀書生天莫更悲

靈運謝傅生孫玉不如

謂奕孝

孫郡博洙

字苓西號蘅堂辛未進士歷官大成盧龍

鄒平縣令改江寧教授著有蘅塘漫稿蘅

堂為吳容齋工部高足弟子少工制義為

人恬退初宰近畿上官猶雅重文學之士

而蘅堂自如也歸老時蔬水常不給

補莊 并序

大城官署東偏老屋數椽向為庖湍之所爰煙

熏翳癸酉冬日葺而新之編楷為籬飾墻以紙

公退聊足休憩有感于易傳善補過之旨顏曰

梁溪詩鈔 卷四十一

補莊作長句記之

我生自悔不為田舍翁薄田一頃勤春農誤戴儒

冠學干祿廿年狂走迷西東廣文一官嗟獨冷按

堂初為上元縣教諭會遭勝地幽興濃秦淮十里泛煙月珠

簾夾岸琪花紅酒闌人醉逐歸路畫船猶遶笙歌

叢閒餘隙地構虛館一枝聊復巢高松自註上元學署後有

隙地數弓余構堂花竹清幽人絕跡午窗簷鐸聲

玲瓏揭來畿輔宰偏邑運垂所至招灾凶前年憂

潦近憂早孽萌時復驚蝗蝻民貧土瘠勉供役檄

書旁午疲驕驄服官幾載席未煖蕭條廨舍徒塵

封偶因休沐得小憩庭戶湫隘膝僅容署俯數椽
頗幽敞聊除塊礫披蒿蓬圖書晏暇稍羅列一樽
相屬始開胷迹類亡羊悔遲晚心懷鍊石難磨礪
俯仰身世勉無咎易占有象吾誰從故園三徑詎
堪問誅茅何處尋雲峯亦知無何真我里一塵暫
關留塵踪憑軒長嘯計真得仰看雲外排錦鴻

奉檄送定北軍出居庸關馬上作

天門初開日曠曠天戈北伐誅頑兇虎貔壯士百
千隊身騎寶馬腰懸弓雷電動地碾飛轂霜踪蹴
踏紛騰空前驅後乘各爭發高牙遠出臨居庸居
梁溪詩鈔卷四十二

五

庸形勢足險要萬山奔赴環

宸宮凌霄絕壁

夾陰壑哈呀微啟巖關重崖崩石亂路疑絕徑開
一綫車徒逼山巔戍樓動悲角旌竿雲矗旗舉風
天寒日暮道途遠高原駐陣依崇墉玉帳光寒刁
斗靜軍門列炬千燈紅國家承平百餘載萬方
寧謐無傳烽蠢茲小醜負絕域久梗聖化辜
併幪矧今殘黨自戕虐天之所棄其誰容桓桓斧
鉞正天討摧朽寧久煩車攻餒生目未覩兵
革短衣匹馬如從戎凱旋會計入關日獻俘闕
下看論功

王孝廉止敬

字嵎陽號穆齋壬申恩科舉人晉川先

生之叔也幼工舉業會寄吳庠被黜既補

本縣博士弟子員秋闈十餘試不售領鄉

薦時年已七十四矣一赴禮闈年八十餘

卒著有寶言堂詩集上下二卷

唐書雜咏

報失魏徵亾一鑑主明臣直最難逢若教賢后聞

應弔安得臣如田舍翁貞觀十七年魏徵臺上謂

替以人為鑑可知得失魏徵沒朕亾一鑑矣太宗

嘗曰會須殺此田舍翁后問為誰曰魏徵每廷辱

我后具朝服立於庭曰妾聞主明臣直魏

徵直由陛下之明故也妾敢不賀上悅

軍中馳驛立新碑遼左無功只爾思一事過時明

主悔可堪容悅萬機隳太宗征遼無功曰魏徵若

祀徵以少牢復立所製碑在不使朕有此行也馳驛

呂才書已定陰陽盡信書看序更詳祿命不拘年

月便古人依禮不依方陰陽雜書上命呂才刊定

五音序祿命以為不可盡信序葬以為不可拘于

古人不擇年月不擇地識者以為確論

太平萬事總從容火急追逋退即慵誰在中書聞

失印他時雪夜獲元兇裴度在中書左右忽曰失

於故處得印度不應或問其故度曰此必吏人盜

之以印書券耳急則投水火緩則復還故處

梁溪詩鈔卷四十二

六

秦孝廉景燾

字振千壬申恩科舉人未能先生之子

少勤學寡言爲文經術湛深其精心英果

處同輩皆不及也又習勘輿之術日行山

谷間自謂獨得古人秘訣

讀倪雲林先生集

清閨閣中筆已投但有雲林之下風颼颼我昨祇

陀尋舊宅一片風煙五湖白歸來面絕壁挑燈先

讀先生集如飲清泉坐白石朗吟先生句離離星

斗濕門前猶見白鷗飛羊裘誰釣浮天碧先生之

梁溪詩鈔

卷四十二

七

名滿海宇先生交遊猶可憶工畫者誰郭天錫工

詩者誰高季迪句曲外史張伯雨尤與先生心莫

逆陸靜遠虞勝伯六七人者忘主客餘子齷齪安

可言何況鞋杯楊鐵笛所以無人入畫圖故山有

錫遂奔吳山窗聽春雨冷氣襲病膚晨起開軒驚

宿鳥詩成洗硯沒遊魚往來淞泖思歸卧韭芥乞

隣寒措大想當張氏據江左紛紛匍承餘唾造

廬幣帛麾出門乞竹不曾揮一个及至高皇定鼎

年不臣不友甘寒餓高風亮節挽頽波百世廉頑

而立懦鳴呼豈不廉頑而立懦

錢象山耀

字震陽號復齋壬申恩科舉人官象山

知縣胸無城府惠政得民旣罷歸仍教授

山高水鄉里以自給故家邑之馬橋讀書課子足

帝恩天不入城市年七十五卒其子孝廉文炳哀

其入其遺稿數十篇藏于家

燕古同諸同年謁留閣學宅看菊卽事

謬許登龍拜二疏公已致仕喧傳騎馬到三閭秋蟬滿

院歸樽俎時菊盈階雜珮琚入座已知寬禮數分

題况復散絲筵柴桑一老蕭閒甚送酒人來換玉

梁溪詩鈔卷四十一

八

魚

嚴子陵釣臺

非復淮陰非渭濱釣臺千尺波嶙峋後無來者前

無古早領羊裘一釣綸客星自照桐江淥莫更還

同故人宿狂奴故態帝所知橫足偶然加帝腹加

帝腹天何驚遂令士氣開東京豈獨士氣開東京

山高水長秋月清

天台十景

桃源春曉

可憐劉阮老塵寰洞口桃花發滿山裏外珠簾遶

不住亂漂花瓣水潺湲

石梁瀑布

不知龍伏與蛟潛萬丈飛濤鬪石尖疑是秋來銀
漢倒石梁橫壓噴珠簾

雙澗觀瀾

豐干橋畔倚吟筇兩道寒光印萬松隱隱梵王宮
殿閉斷虹斜掛兩三峯

螺溪釣艇

石柱嶙峋土翠微持竿我亦釣螺溪溪盡水源漁
笛杳卧橫艇子聽鶯啼

梁溪詩鈔

卷四十二

九

清溪落雁

萬室鱗鱗界石橋一川秋水綠迢迢永清門外沿
溪去雁影沉波白鷺翹

華頂歸雲

黃山雲海浩漫漫一片今從華頂看下界崇朝霖
雨徧却懸白日照銀盤

瓊臺夜月

桐栢山頭訪道書山中仍有羽人居瓊臺雙闕從
茲度明月輝輝看太虛

赤城栖霞

不見千年白蝙蝠只看九日黃菊花興公賦罷今
何處一段奇文一段霞

寒巖夕照字思補壬申 恩科舉人父自

霜落疎林返照銜玲瓏古洞透寒巖山僧指點當
年跡猶說閭邱太守緘

李將軍斷橋積雪
鑿斷仙橋雪水流崩崖削出兩峯頭此間處處垂

水柱玉屑霏霏六月秋
月夜菊前置酒楊雪村成長歌見贈酬韻

九日山家酒初漉訪菊人來淡如菊一籬瑟瑟綻
梁溪詩鈔 卷四十二 十

黃金三徑盈盈堆碧玉白爾霜天並吐姿伴余老
圃偏含馥主賓花下共揮琴采香泛艷清歡足伊

余息影故林來靜對此花三度開信道餐英有真
味轉愁塵慮還成堆植援編籬不停手七十二種

夸都有偶逢老友勸一杯却怕新詩傳萬口漫惹
白衣來送酒座上常披君子風門前不種先生柳

雲龔孝廉汝弼
字廷贊一字思補壬申 恩科舉人少自

一刻苦晝夜不輟氣質淳謹孝友出天性門
不艮干以內雖兒童婦女皆孚信之下第居京師

無怨尤語而黯然而傷傷無以慰其親也
年三十一卒于京

讀離騷二首

落落萬古江渾秋美人一睇江光流蒼梧綠烟斑
竹子人道湘娥不會死至今夜半舜牀琴海水直
下萬里深李白古來至今若天地散入虛空淡無
際屈子行吟去不回青山日暮寒風來

我昔夢入三閭祠半規月挂紅楓枝中有真人眼
如月問之不答微頷之寶瑟瓊塵爲君掃一彈再
鼓觴秋昊玉虬文豹遊天衢側倚車傍挂一壺不
梁溪詩鈔卷四十二

十一

願大夫常獨醒但願同風一道賡唐虞
東王燮公
家世結隣溪水止斜橋風景似斜川閒鷗兩兩時
相喚平遠江山好放船山日暮寒風來
不萬病中示弟敬脩至今秋天賦惜人盡空
與爾爲兄弟如枝生樹身一枝花未實猶望幾枝
春無實猶是可枯枝隨飛塵旅魂歸夜夜白髮兩
衰親

劉孝廉鴻謨

字濛說號學圃壬申恩科舉人

星蘭燕子磯寄楊嘉芝吏部會亦言因燕與芝
爲報周南太史公山川信美大江東窮搜燕子磯
頭翠亂舞杏花村裏紅撒手懸厓何住着當頭明
月自凌空故人誤落塵樊內今夜抽帆掛快風意
餘侯孝廉錫獎贊對與古人對與賦中奇益饒寧

人生氣字範九號東川壬申選恩科舉人太耿直
固窮守志能面折人過舉人例以三科截

賦讀取選知縣東川云我無百里才未敢濫竽
樂語竟不赴年七十五卒于家賦不盡賦自

澄懷園見逸鶴

時余依秦味經司冠於海澱
寓園

梁溪詩鈔卷四十二

十一

鷓侶栖遲地驚看野鶴飛塵樊欣乍脫逸翮見先
幾磊落將何慕飢寒誰解圍入林應不遠振羽自
知歸

贈范渭古志蒲面社人舉舉人胸以三科

人生感氣誼相與自有真邂逅始識君君才絕無
倫沉靜寡言笑質樸追古人探其胸中奇俗論寧
足陳援据有本末詩才亦清新贈我蒿里歌語意
多酸辛讀之不忍卒奉倩已傷神交情淡如水竊
喜德爲隣朝夕時往還臭味入室親相見方恨晚
星駕倏及晨睽隔非雲山後會亦有因緣波與芳

草南望波粼粼
平山堂外舊隋隄
畫舫輕橈滿竹西
翠苻風前牽
錦纜綠楊天半聽
黃鸝揮豪萬字翁
非醉一飲于
鍾樓自迷最是繁
華易消歇
蕪城賦後更休題

遊膠山酌寶乳泉
東山積翠碧雲浮
路入春林徑轉幽
古寺旁依修竹塢
清溪還向小橋流
山僧煮茗延賓話
雖雉驚人出隴遊
嶺下舊傳多薯蕷
岡前古跡有金牛
荒烟莫問蕭梁宅
蔓草閒尋膠鬲邱
月照蒙泉穿竇

梁溪詩鈔

卷四十一

三

出雲陰萬玉滿庭秋
烟霞日夕瞻佳氣
風雨清川繫客舟
北海樽盈南阮座
高情且爲主人留
平蕪初至新化
遙瞻葱鬱古城堙
近識琴堂化理新
澗水東流清激灑
火旗南峙碧嶙峋
心隨漁父亭前月
身作梅銷嶺上人
堪笑十年彈鋏久
尚依南阮拂征塵

十載

天半龜黃賦野棠
萬年餘未報

十載不倚馬壯志付流水
憶昔遊都門纜轡長安
市大道連狹斜磬控捷如矢
顧盼公與侯不作衣
褐耻下榻朱邸間寧復問許史
雅意執經者王孫

貴公子雖無豪俠節詎效板袍士破浪溟海中登
眺泰山時燕齊楚越間踪跡可屈指漁陽望邊城
入閩仙霞峙三湘與洞庭輕帆復爰止荏苒歲月
遷龍鍾已若此垂白何所營志豈在青紫爭看上
苑花五陵少年耳顧此衰病侵努力愛芳芷

新化署中

朱韻好風千里容職楚吳

上梅官舍楚江天藏得龍孫籬落邊幾待春雷驚
臥起夢回還守舊青瓊

不願移根止苑栽劇憐憔悴傍人來欣看雨露舒
新籜拂拂干霄蔭綠苔

梁溪詩鈔

卷四十二

十四

弱息誰扶植憐渠歷苦辛椒盤度今夕應說遠遊
人改夢回數舊青瓊

醴去生猶在鱸肥翰未歸秋風千里客彈缺是耶
非前正刻也半耳應此爽氣對爽也愛黃芷

飢來已覺別離輕憔悴東歸又北行茆店夢醒燈
半滅征鈴聲動月三更籃輿有路雲心上鳥道無
蹊石齒爭回首衆山斜照裏西風忽起故園情

遣懷

投筆班生計出關霜侵兩鬢漸成斑江心浪拍雲
中月驢背人看雪後山燕市三年塵滾滾魏風十
畝賦閑閑釣磨壯志惟鉛槧門外漁樵日暮還

鄒松陽清

宋史 字品山號醒泉癸酉舉人初官江西興國

縣令 永豐再授浙之松陽縣卒年六十二

孤舟邠州曉發 蒼梧 蒼梧 蒼梧 蒼梧 蒼梧

木杪雙鷗捷雲中一鷗遲去邠懷古意過渭得新

詩山翠清華色溪烟淡蕩姿行吟驢背上回首有

梁溪詩鈔 卷四十二

十五

遐思翠華首 蒼梧 蒼梧 蒼梧 蒼梧 蒼梧

木杪江夜 蒼梧 蒼梧 蒼梧 蒼梧 蒼梧

孤舟泊何處帆影落斜陽漁火青林暗樵歌白露

瀼晚潮連月湧殘角帶秋長客睡幾曾着敲詩夜

未央 蒼梧 蒼梧 蒼梧 蒼梧 蒼梧

黃鶴樓

黃鶴杳何處白雲空自流斷霞明極浦返照上孤

舟點筆晴川閣銜杯鷓鴣洲從來江漢水騷客慣

悲秋 蒼梧 蒼梧 蒼梧 蒼梧 蒼梧

喜郭同寅至

十年不相見握手及江春爲政龜山麓栽花漢水

濱

是時郭
宰漢陽

心勞還未老宦久尚能貧莫恨無知已

題輿有故人容成山端入主平幾地舊容是

小前月夜登釣臺蒼苔潤氣暮絲時入點時餘半嘗

釣臺臨絕壁夜坐峭寒侵木落山容瘦峯凹月色

深足曾加帝腹水自鑑臣心聖世寧高蹈低徊聽

瀨音意盟寒葉間心澆淚調故良不自野神以有

平室山塘卽事興發日關發書蠹絲蘇古賦不效

花市春光早寒梅綴景新閒行一二里結伴兩三

人雨洗山容曉風梳石髮春小樓橫笛處簾底翠

梁溪詩鈔

卷四十二

六

眉鬢式山容觀風絲云曩春小書蘇苗蠹兼風琴

蘇市斗室早寒新發景殊閑行一二里結伴兩三

斗室堪容膝蓬門終日關殘書蠹粉積古硯石紋

斑真意盟寒菊閒心寄野鷗此身不自理何以濟

時艱會吹帝鄭水自蠶豆小聖世寧高蹈低徊聽

鐘臺重九泛西湖次韵蘇木菴山容與峯凹月

小泊西湖生時維落帽辰蓴絲初入饌粳稻乍嘗

新冷月窺殘客孤山識酒人生平幾故舊容易一

相親親心幾數未奈富人尚道貧莫知無時已

十平迎春畏戩手又政春爲紅麗山蕪妹芥菜水

綵鞭驅犢事芒神整頓郊迎賀吉辰暖律週回將
送臘凍雲重疊欲遮春翠恩密雪斜封戶料峭尖
風緊拂紳小炷爐香祈歲稔天壇趨步漫逡巡

封印

收藏銅篆迎新歲一月倏然樂靜便書味濃於花
下釀詩懷清似石根泉閑來不厭敲棋子客去無
非對硯田取次探梅還未放雪花零亂小窗前

學圃堂遣興

南園一徑已荒蕪一日來樵一束芻拳石纍成山
意畫楷渠開到水縈紆平坡好植千竿竹淺涵堪
梁溪詩鈔卷四十二 七
栽半畝蔬汲井澆花親抱甕個農原是帶經鋤

江舟

水驛吹笳送客程彭蠡一棹剪江行布帆腹飽風
頭重箬笠聲疎雨腳輕寒菊吐花驚節物吟蟲食
葉作秋聲篷窗蕭蕭瑟難成夢水濶天空一枕橫

中立山窗

藤蘿披拂覆懸輿老屋三間門巷紆無路可行須
自立有身能守豈非夫歸田不覺饒生趣涉世何
嘗失故吾一夕孤吟情已極詩腸搜索未曾枯

虎邱

山鬼題詩石點頭虛無未始不風流阿誰好事傳
佳話裝點風騷假虎邱

秋夜

且脫征衣付酒樓淺斟桑落暫消愁露蛩偏向窗
前咽客夢初醒一枕秋

簡清源弟

西子湖頭放畫橈竹鞭笑指洛陽橋

郎豫章小字也自貪觀海哆口新詩敵大潮

書嵇留山集後

著述生平患難多秀才殉節節難磨獄中詞賦聲

梁溪詩鈔

卷四十二

悲壯絕似文山正氣歌

留山先生以諸生受闈督范公承謨之聘入幕康熙初耿逆將煽亂先生勸范早為備為撥餉補兵安插逃奔屯田等議并調精兵駐上游耿逆叛脅降不屈錮之留山與范在獄作詩遙倡和踰三年范被害亦死之以子曾筠貴

王光祿日杏

字丹宸號漱田王殿撰海文先生之孫癸

酉舉人由內閣中書軍機處行走歷戶部

郎中出守銅仁府攝道篆左遷中書隨大

學士温福赴滇緬調征金川以軍功授刑

部主事癸巳六月兵潰木果木殉難

卹贈光祿寺少卿

詔入昭忠祠並祀成都慰忠祠
諭祭賜塋廕其子光顯銅仁知縣今遷普安州
光祿幼英敏十歲學爲文學書小楷已能
規仿晉人嘗手錄陸宣公奏議佩行篋中
入直中禁十餘年遇事小不可言論愷切
必期得當爲郡守多所平反去時黔人遮
道有泣下者至橐筆戎馬之間奮不顧身
終隕矢石所謂見危授命者非歟

陶然亭題壁

西山晚翠上孤筇斜照神州殿閣重蘆葦蕭蕭渾

梁溪詩鈔

卷四十二

九

似雨數行啼雁隔城鐘

僧舍茶煙滿竹扉繩牀慙懣亦忘機
萸香菊淡人

無語聽到哀蟬落葉希

以梅花賦書扇贈顧晴沙晴沙又倩俞十一

寫梅其上索余題句已卯中夏海淀寓中

爲君將出鐵心肝五月梅花落紙寒
腕弱自慚書

不稱情深應倩畫來看幽香冷韻仁
風扇跣足科

頭禮數寬一笛江南十年夢美人
只在碧雲端

七星關之麓有蘭若僧自亮楚人也無恙

俗閣黎態滿堂妙相莊嚴獨關聖帝君像

剝落特甚余捐俸五十金畀之恐其誤會
施捨意也作詩示之

伊古垂廟貌神道用設教聖人敷五典賢智升學
校其餘不盡收隨地勸忠孝自有佛法來雲構比
圓嶠莊嚴錯金翠云此色相妙魚唄響空山貝多
布佛號緇徒實夸愚檀越望福報敬衰易穢褻威
重護寂照遂復像關公梵殿先關廟公生季漢時
正氣塞九隩阿瞞亂天紀所畏公虎嘯于龐既就
擒鄴下可一掃避鋒議遷都勢危亦心倒尋豈易
其言事理信堪料荆襄搗其衝巴蜀扼其要天下
梁溪詩鈔卷四十二

三

英雄人附翼變飛豹老奸縱多謀風中覩旗纛此
舉復炎鼎豈等魯取郟仗鉞指揮定并非暴易暴
公志在春秋因韋資訓誥唐虞三代時四海歸怙
冒詎有魏晉風清談恣倨傲吁嗟漢祚終終古用
悲悼數屈理則伸宇宙皆籠罩海隅日出人罔不
肆庭燎况此臨雄關英靈蕩邊徼公像就剝落無
以昭視儆範金力未能將敬效舞蹈公馬日行空
雲中飛鞚到朝夕禮庭中拈花定微笑

顧司離瓚

字鳴岡號晴江內閣典籍士衡先生仲子

癸酉舉人官下沙場鹽大使卒年六十一

斗室

栖栖蹲斗室面擁百城餘
蕉葉頻題句芸窗只檢書
鶴窺人影瘦蟲響樹根疎
羞殺東家宋悲秋病未除

蕪秋草和五叔父持翁韻

芳意又淒迷迢迢襯馬蹄
幾年虛舊夢悼兄豐碩千里

憶長隄遠道黃河畔荒烟白日西
明妃尚青塚留與濕螢栖

梁溪詩鈔卷四十二

三

此別應教可判年不堪鶯語落花天
春風笑我蹉跎盡每到臨岐始惘然

似草愁心不可刪
夢餘簷溜響潺湲
浚知君未忍分明別
夜半偷乘風雨還

薛太史田玉

字琤叶號璞菴初名翔初爲金匱諸生工

書翰後制舉文試輒冠其曹乾隆壬申

恩科占籍順天發解甲戌魁南宮榜名田玉入

詞館後改本籍歸宗其鄉會墨出揣摩者

輒售風行三十年不絕散館改知縣歷容

山谷城棗強遷保定府同知所至生徒雲集嘗
風雨巖以官領蓮池書院山長移疾歸著有問澹
一卷詩軒詩文彙

題沈石田遊虎邱圖

海湧峯高鐵花碧浮圖倒景掛巉石石根忽瀉水
一泖兩崖崩豁巨靈摩石田墨妙今所無何年寫
入春遊圖生公臺前日晡峻王珣祠外雲糝糊座
中詞客何瀟洒白袷烏衣見丰采更有淮南送酒
人不惜深杯澆魂魄圖中五人程篁墩吳匏菴沈石田李貞伯其一爲淮南容
事去空山三百秋吳宮草樹風颼颼篁墩不作匏

梁溪詩鈔

卷四十二

三

菴老斯圖寂寞同荒邱韓王當日弄藏久且喜煙
雲落吾手圖舊藏蘇州韓宗伯家後歸余外觴咏

家王氏歸余家又二十餘年矣

風流彈指間欲和題詩更低首虛堂坐對心悠然
呼之此老或在焉何當把袖凌層巔浩歌一曲開

愁顏

京邸哭弟鳳翮

青衫顛顛困蓬蒿半閣披吟空復勞畱取傷心文
一卷他年收拾付兒曹

風雨連床廿載餘青山曾約結吾廬而今歸去青
山在更有何人伴讀書

臘月出都留別周捧齋秦帖齋兼柬吳黼仙
琴劍飄零春復秋幾回言別更遲留天涯久聚渾
無味歲晚臨岐始欲愁昨夜關河同入夢明年風
雨各登樓感君把酒還相屬莫負平生第一流

微山湖歌南陽道中作

丙子秋湖水決堤漂沒二百餘里流民皆

山栖焉

微山湖八十里秋高雨漲天連水草沒荒村野鷺
飛樹浮古渡漁煙起蘭陵城畔水過橋殘碑一片
沉空濤孤墩斗大屹相向髣髴江口分金焦憶昔
扁舟下豐沛山色湖光互襟帶估客帆檣暮雨中

梁溪詩鈔

卷四十二

三

人家樓閣晴雲外世事滄桑倏變更村墟萬井天
河傾鐵牛沉淪老蛟舞竟無尺地謀春耕斷灘是
處聞啼哭掠水饑鷹啄人肉昨朝堤決幾家存今
夜沙奔何處宿西風蕭蕭吹澤蒲藜羹藿飯蓬蒿
廬老翁編笮作船渡中流箭駛聲號呼昨聞江南
災更大田園漂沒人啼餓地濕天陰疫癘頻路鬼
晝見尸僵卧今古拯荒策最難太倉粟盡幾村完
長途欲繪流亡冊淚洒湖波落日寒

乙亥江南飢丙子疫

天妃聞晚泊

河流九折下龍門終古長淮自吐吞沉壁至今悲

瓠子浮槎何處問天孫寒沙半捲湖聲怒落日遙
翻海氣渾惆悵十年曾此渡水祠簫鼓又黃昏

顧曉芝於夷齊廟在盧龍攜歸文石子與黼仙

永明寺聯句雲前盡國壽與平

絕塞遺孤廟峻高情遡二難雲根尋磴确玉龍蛻

拾噴吮殷璉方陳廡峻周璜已釣磻岳從方寸起

玉璞有幾人完怨魄填精術峻冰心竅比干羞教

璇室貯玉肯竝玉杯劍落落老子落文猶在峻硯

硯髓欲乾土花三代碧玉星影一庭寒瑤闕神呵

護峻空囊氣鬱蟠附青供竹凡玉別白捧珠槃散

梁溪詩鈔卷四十二玉

布重圍匝峻參居中子單嚮風餘瘦骨玉沉水納

忠肝雨洗秦鞭血峻砂磨漢劍瘢蒼涼懷自惜玉

瑣碎記無端癩已升成拜峻頑應為正冠生涯鸚

鵝粒玉舊事皓曉丸借酒澆礪魄峻題詩警惡奸

願言畱勿壞玉相與證蒲團峻

酒葫蘆與黼仙聯句五十韻

元圃春藏橘蓬山雲滿壺幽尋吳季子玉獨伴酒

葫蘆輕可浮蟬蛻圓堪轉鹿盧中央惟混沌峻具

體乃侏儒側處疑咳口行時恐跋胡腰應同綬係

玉身欲索笻扶特絕疑長柄模稜任不觚嗚然中

散竈峻敦彼步兵厨劇喜皮雷豹端憂頸續鳧瓮

將齊瑪瑙玉釣擬掛珊瑚吸露天光小傾風海水

枯拙全寧撲蒲撲蒲有入竅無出竅積錢蒲則撲碎峻巧守到封隅

國語汪滄氏守封隅山為漆姓有限啣蕉葉虛盛笑碧爐碧爐虛盛猶言

玉卮無當也半彎通素藕玉一料為明珠鼎縮頭菌蝨

桐焦尾畢逋眾香啣螺贏峻層浪扇鸚鵡茆隱依

圍客萍緣結釣徒崢嶸還太古玉濩落得真吾橋

畔旗初颺窗前鳥自呼金釵謀謝婦峻紫綺付奚

奴作達常隨鋪佯狂或據梧胸吞若雲夢玉頂灌

竝醞酬恰倚監軍石羞當司馬壚清齋供繡佛峻

梁溪詩鈔卷四十一 五

狡技倩麻姑黑犢猶能擲黃龍未肯輸回燈彈續

續玉倚棹唱烏烏弟聖頻加帽髡暗解襦裙飄

多歎蝶峻環墮少菜莢叩玉鴛鴦語玉壺記云若到人間叩玉

壺鴛鴦自解分明語生紅菡萏膚傾欵銀蓬落玉潦倒錦鞵

瑜昔日鴟夷舫相思鶯脰湖東軒聊笑傲峻子夜

漫嬉娛畫壁榴為字籠煙竹織爐并眉文詰屈楊維

他文不皆奇獨稱觀瓶居井眉東坡句玉髑絡語模糊古樂府絡髑語猶壺倒瀉

濃傾盡繚繞瓜廬窄委蛇菊徑蕪乾坤雙鬢短峻日

夕一瓢孤易作非非想難分箇箇軀員邱回望杳

玉澄魄入看無偶遣青猿負王元之有小僮名青猿詩云歸田如有計

胡蘆酒因成白社圖療饑曾束茂峻習靜共團蒲

謔浪銀花盆唐人謔火樹銀花合為銀花盆支離鶴料符千金享

敝帚玉九鼎寶康瓠莫司寵兼辱安知賢與愚影

陪阿瑟吒西陽雜俎奎宿名阿瑟吒祭以酪峻人只概株枸莊晝對

碁心細秋懸劍氣粗鏡經殊爾爾扁鵲鏡經藏葫蘆中見南史徐

興傳玉班史亦區區漢書藏葫蘆中見南史蕭琛傳藥裹居奇貨詩

筒見大巫紙驢真忸誕峻土偶儘却掄泥予醜顏

好憐君蓬首濡何當憑羽化玉縵紗上清都峻

舟中夜雨

斷岸河聲落孤篷海氣寒飄來一夜雨夢過萬重

梁溪詩鈔卷四十二 三

灘升斗依人易關山將母難何時江上路橫艇繫

漁竿

赴容城道中作

落葉催秋老荒雞送曉行操刀今下吏簪筆舊書

生殘月金臺影西風易水聲壯心看我馬攬轡忽

長鳴

題朱芥泉讀易遺照

琴書寂寞草堂空猶認平生戴侍中早日才名看

倚馬暮年詞賦悔雕蟲一編寢食梁施學百里憂

思晉魏風聞說桐鄉今俎豆莫將經術笑冬烘君為

天鎮令卒於
官民為祠祀

懷許陶邨先生

按陶邨太史名集為璞菴會試房師

吾師歸隱早小築傲陶邨先生早入詞館旋歸里逮今四十餘年矣舊

夢賒鈴索閒情付石尊顏齡翻作客弱息更招魂

先生為鳳陽山長一子歿于途次

風雨今何夕前遊感白門壬午陪遊

白下嗣後久不相聞

懷陳棟坡先生

按棟坡侍御名顧瀝為璞菴壬申鄉試房師

先生栖汶上時寄居兖州相望兩京華猶記西臺馬同

看南苑花甲戌乙亥之間先生巡視南城每同遊晏經年歌出塞垂老

嘆無家謫居塞外三載歸後家無立錫歲晚兵戈後村醪何處賒

梁溪詩鈔卷四十二

二十七

東省兵車纜息

懷楊笠湖刺史

子雲詞賦客蹤跡老巴渝君刺簡州移邛州宦興吟風閣

生涯點水圖庚辰入都見示吟風閣詞餘前簿書索題點水蜻蜓穿花蛺蝶兩照

仍翰墨金鼓更馳驅近以吏議仍留川佐治軍聽遍猿三峽鬚

髯似昔無

懷顧晴沙觀察

萬里涼州道清風只憶君軺車今再叱諫草舊會

焚君自給諫出守寧夏旋奉命分守涼莊道定有平番議還傳難蜀

文近攝川臬兼理軍務新詩吟更好寄我隴西雲聞在軍營同人唱和

集成

懷杜凝臺觀察

尋春江上路杜牧最風流

近聞納姬

為急籌邊策翻添

出塞愁

時總金川軍儲

名應高武庫詩欲繼夔州可憶長

安客天寒獨倚樓

懷周亦庭太守

治獄如君少星曹舊有聲

君官比部最久

廿年纔出守六

詔正論兵

君守麗江時緬匪未靖

菽水高堂夢

家有老親以道遠未得迎

養風波宦海驚

歷內外任每蹶復振

昨宵書一紙辛苦念平

生近有書相問

梁溪詩鈔

卷四十一

天

懷顧小韓太守

北平賢太守一昔伴行幘

辛卯同君于役滄瀛間

小別衰如

許相逢瘦不嫌

今秋相逢蘆溝君有納涼詩云新涼偏許瘦人知

詩將清

砭俗官以儉箴廉幾日金臺畔憑君酒思添

約以明春

晤保陽

對風衣與太守

戎戎七月過插箭嶺謁宋團練使楊將軍延

出塞憑昭祠

祠墻下插箭石尙在石有六空鏃痕宛然

地控飛狐界人思汗馬功

一門推福將

令公沒于兵而延昭

領高陽關

三石拜英風

明趙標題碑有插箭絲刀晒甲三石詩

城鎖

秋崖碧旗翻夕照紅時清閒戰壘殘碣卧荒叢

伏馬溝前水狼牙嶺上雲孤忠標刺史餘勇賈將

軍七子摹遺像三關說舊聞人心公道在廟辯枉

紛紜廟祀延昭父令公于後寢以子七人配享令公之忠為王侁所逼敗于狼牙村與子延玉

死焉按狼牙與挿箭嶺相近並祀于廟宜也前明張思載碑謂令公不宜並祀于此非也

杜少司寇玉林

山峯 字寶樹號凝臺又號曲江甲戌進士由刑

部主事歷郎中轉南康知府未任丁外艱

服闋授四川驛鹽道再遷蜀臬蜀藩內陞

刑部侍郎以事遣謫旋蒙

恩命入闕次涇州病卒年六十

梁溪詩鈔 卷四十二 三五

恩過隆昌縣值大令晝莊先生在郡不得一見

留詩奉懷 壬辰

京國六年別巴江千里深擬來官閣下一寫故園

心徒有徐孺榻空懸單父琴匆匆聽鼓去悵望碧

山峯

知君非俗吏不獨有文章漢傳推朱邑巖城接楚

疆羊腸芻糗急虎旅道途長兩路軍備仰給郡邑又值黔兵過境何

以紓民力籌邊副 廟堂

鴻爪偏同雪鳥飛尚隔天萍踪期後日雲散亦前

緣獨酌卽筒酒因思陸羽泉故人如問我已見二

毛顛

登雅州城樓四首

高城紫氣接青雲，鑠鑠西南兩戒分。
叱馭不辭過峻坂，登樓亦自愛斜曛。
江聲三面流春漲，嶺色千盤壓陣雲。
如此山川助清嘯，漫潮蠻語學參軍。
笮馬旄牛入望中，蔡蒙平後見神功。
久聞井絡天如掌，豈有牂牁路未通。
虎旅千羣橫絕塞，龍驤三道統元戎。
玉衣問夜籌邊急，王會原應萬里同。
勞勞杼軸裕三冬，蜀復頻頻降九重。
丁卒不徵河內郡，金錢先發大司農。
受降新賜官田澗，洗甲

梁溪詩鈔

卷四十二

三

方看雅雨濃，失喜肩摩滿城市。
郫筒筠篋醬走巴賚，大渡河西畫角聲。
投鞭撫髀若爲情，空慚司馬能傳檄。
漫說終軍欲請纓，春盡林香猶作瘴。
雨餘山氣不全晴，關心最是從征客。
雪没弓衣夜斫營。

癸巳六月聞木果木之警

羽書一道報嚴更，鶴唳風聲事可驚。
萬里不歸都護馬，諸軍空望亞夫營。
狼心自是忘秦威，虎口憑誰寄死生。
衛國籌邊良亦苦，昨來新築受降城。
昔嶺巉巖血戰時，幾人馬革裹還尸。
曾揮露布工籌筆，

趙璞庵王漱田兩軍機

纔着戎衣便死綬

吳鑑南以直隸州牧試用

赴軍營未
久卽遇害
猿鶴叫雲
君子怨龍
虵犯歲故
人悲倘
逢遺僕煩
頻囑莫遣
高堂少婦
知主恩謝辭

丁酉暮春送博園叔東歸四首

三送君歸矣依然我未歸
春江方淼淼楊柳復依依
依剪燭新愁起題襟舊侶稀
十年鴻爪雪今日欲

沾衣

結客來西蜀循陔返北堂
遊非司馬倦酒豈嗣宗

狂荔子榕城熟梅花庾嶺香
此里後將起粵東此行踰萬

里山水各蒼茫

無限蘼蕪草因君寄所思
扁舟明月夜古寺暮鐘

梁溪詩鈔卷四十二

時有曲皆紅豆臨風想綠枝
故人如問訊為道鬢

成絲

倦鳥誰相信勞薪祇自憐
聽泉難定日叱馭幾經

年余近寫叱馭聽泉兩小照一邱隴無人掃關山以記已往一以志將來也

入夢牽煩君致我友不敢望牛眠
先塋在擘喇灣歲庚寅余同年

董進士謂十年內宜卜遷旋以出山不果博園與董君善為我覓一地也

己亥孟冬送萱香二叔還梁溪卽赴楚任

復此天涯別當年憶壯遊
題詩花蕊宅載酒錦官

樓客夢時應繞鄉心路轉修
主恩慚報稱京

國獨淹留

臣心清似水蜀道遠如天正我還朝日逢君入
楚年已辭巴峽險初泛洞庭船歸過龍山畔先嘗
第二泉精本編半景雖賦而漢吳文章與全

辨和王歛齋舟中卽事

對越莫空中帶

老驥歸來識舊途雁飛求侶鎮相呼五更畫角催
鴉陣兩岸蘆花釀雪圖東郡方餘遊子恨南池還
有故人無少陵南池在今濟寧蓴絲鱸膾秋風裏畢竟虛君

長五湖

和笠人韻

上水船連下水船雲濤擘畫記何年

是日過分水廟擘畫雲濤

梁溪詩鈔

卷四十二

三十一

四字廟門額也

迎檣語鴨衝波急縱壑無魚跳浪圓蝸角

憑教鬪蠻觸

守閩家人輩爲閩吏所辱亦堪一噉

龍吟終自在江天

晚來南旺湖頭望見說江南只眼前

和玉歛齋笠人四絕

并序

人間無不夜之城天上有忘憂之館風清月白

酒綠燈紅未免有情誰能遣此然而琪花瑤草

無非頃刻鮮明海市蜃樓遮莫空中結搆是以

義山詩本雖半是無題而莊叟文章則全皆寓

托也自棘人抱痛久拚蠟炬將乾乃郢調傳吟

未免爐灰復爇一彈再鼓賡唱疊歌識者必笑

其疎狂此事或無傷於風雅聊成七字用報雙
題瓊僉憲高氏令華齡志會稽山志賦中
濁酒難澆硯礪胃故教花雨洒東風玉溪詩句無
題半曉夢春心色色空

盤頭垂手各爭妍顰笑隨人亦可憐半是人間佳
子弟底須搔手問青天

憐香本與愛才同一顧真令冀北空杜牧風流已

銷歇不堪回首憶牛公

數年前司寇味經先生見
全椒馮孝廉所著當曲雜

記許爲才子翌日置酒徵歌延馮上座備盡款曲
馮生有知己之感一時日下傳爲美談而今已矣

羌笛春風細細吹黃河遠上一聲悲白雲無盡旗

梁溪詩鈔

卷四十二

三三

亭在更唱王郎絕妙詞

入江南境仍用笠人韻

蔚藍平遠畫圖如纔是江南到眼初州界充徐會

縛虎

用曹操白門樓縛呂布語

地兼山澤已多魚晚秔香稻堪

供客野鳥林花笑識子誰料情懷似中酒歸田二

頃願還虛

秦方伯雄飛

字旦初號曉林晚號心仰甲戌進士

恤贈僉憲富川令華鍾之曾孫也歷戶部郎中轉

浙江道監察御史擢寧夏道陳臬湖北陞

十年 江西布政使司

霜落吳江客思豪
魂來魂返映宮袍
怪他劉阮無仙骨
只愛天台萬樹桃

北行留別諸友

鄒文季節婦人耳
人豈鹿豕羣聚乎
棄觚而歎傅介子
安能端坐事散儒
空生徒歎穢天地
取足衣食非丈夫
秋風落葉下黃埤
遠帆斜日明綠蒲
我生壯遊自此始
推篷橫笛月滿湖
別後餘響久不絕
聞聲定復思張敷
辦裝錢少酒可沽
聊與公等

梁溪詩鈔

卷四十二

三十四

談斯須君不見漢陽趙元叔
柴車草屨嘗露宿
長揖三公動京轂
又不見子昂起西蜀
千緡買胡琴碎棄賤工役
此樂胡尼貴
囊有文百軸
北路魚南路徐新聲
艷語湘東餘
天生吾地載吾李
泌九歲多良圖
別州山色喚登艫
點點白雲如白鳧
鳧兮化作五絲履
隨風直上游天衢

自題小照

一方清曉色
誰與掃雲煙
默坐非關道
雄心漸近禪
了無人我相
着此去來緣
彈指匆匆過
鶯花四

十年

秦編修泰鈞

字時夏號靜軒味經先生長子甲戌進士
選庶常授編修已卯浙江副考官丁外艱
歸隱遂不出年六十七卒于家著閩遊草一卷

杭州

菊花開不斷絲管隔雲招南宋無雙闕西湖自六
橋采風吳越秀呼酒白蘇遙平底船窗坐鐘聲應
麗譙

登烏石山謁范忠貞公祠

梁溪詩鈔

卷四十二

五

閩中烏石嶺烟嶂何千尋森羅老松直蕭颯西風
侵海光亂宿霧雲容淡遙岑范公信不朽魏奐峻
宇深碑文記勲業烈節亘古今登山一瞻仰徒御
皆心欽闕寥萬壑寂徘徊獨長吟

先府君文恭公祠落成

揮涕當年憂患多數椽茅屋味經窩

公未遇時沉
酣經籍至忘

寢食所居斗室顏曰味經窩集同人為說經可憐
會既通籍大宗伯楊文定公特以公經學薦
棲息無餘地雍正壬寅先大父給諫公以藩邸事
父難賦詩曰栖息知無地晨
昏覲有身讀者為之流涕豈易聲名到大羅占

得棟撓仍肯構勢成巨浸挽頽波槐庭萬里飄香
日共作明良喜起歌

深宮錫類孝思全異數重重仰昊天十萬罰鍰蒙

愷澤八旬衰朽慰林泉丙辰公成進士第三人授編修時給諫公罰鍰未完

尚在羈所公草奏陳情願以身代疏上蒙恩釋免給諫公出獄獲優游林下者十年公感念

聖恩矢死圖報終身不懈子孫報國嗟何極祖父承恩最

免旃昔日鼎鍾今俎豆露濡霜降一悽然

行已靡佞矢一誠文恭錫謚實循名論思廿載

皆經術寅協三公有直聲未作聖朝賢宰相

不慚天下老儒生遺書萬卷傳家學五禮從今疑

義明公所著五禮通考凡二百六十二卷刊行于世

淮海風濤七百年雙旌舊地古河聯近依公廟營

梁溪詩鈔卷四十二

私廟仰止前賢契後賢底法可觀遺矩獲貽謀銜

恤撫栝棧敬宗尊祖嚴庭訓安得淵源一綫傳方給

諫公以罰鍰繫獄先世遺產一椽一瓦皆經他售公歷官三十年方得次第勉力恢復又因舊祠規模未具于舊第之西買族中遺業之已屬他姓者

一區命不孝等營設家祠奉三世祭祀蓋公尊祖敬宗躬行以為後嗣法用意深矣

周太守際清

字斯盛號抑亭甲戌進士觀政刑部歷郎

中官止永昌知府抑亭居西曹久慎於刑

出為大郡勤於政而內行淳篤門內外無

聞言兄弟三人終其身未嘗析爨年六十

六卒

寒夜同年薛璞庵庶常顧晴沙農部蔣敬啟
奉香山上舍小飲秦岵齋寓齋題敬啟山水

沍雲紙閣蘆簾下澹墨爐香茗椀餘一髮江南青
不斷坐深明月到窗虛
長安車馬紛如織屋小如舟萬頃波錯節盤根山
木蠹只應堅處覺心多

顧秀才豫

字朋簪諸生少有文譽工詩詞居南塘與
朱逸梅黃可亭輩相倡和有朋簪遺藁嘗

梁溪詩鈔

卷四十二

三

設帳於版村蔡氏十餘年後館吳門汪氏
汪太史爲善其高弟也年七十六卒於家

古華歌

夕陽花影樓外樓綠波雙槳舟復舟一聲檀板數
聲笛手捲真珠齊上鉤我來尋春春未暮燕燕鶯
鶯喚余步碧山一片逐行雲清溪幾點隨飛鷺松
花影落竹外烟竹爐新火烹三泉兩脚未許紅塵
牽看山人坐春風巔

姑蘇懷古

千載繁華一瞬過蘇臺回首渺如何蠶眉西子朝

開鏡嘗瞻君王夜枕戈鬪草人歸空舊夢採蓮歌
斷忽新波夫椒檣李須臾事終古春風怨苧蘿

坐小金丸行

仙人不可求仙在環瀛翠水芙蓉倒影之瓊樓仙
丹不可服淋漓血肉之臟腑那堪金石搏東隣有
子未三十兩鬢青青姿玉立偶然筋骨苦欠伸積
錢千百求仙人仙人豈亦錢可使仙人愛錢忽然
至金丸出錦囊療汝不療之膏盲食丹而瞑眩使
汝凡骨支支換一朝三服服三朝形神喘喘魂飄
飄跪向仙人乞無死我方無子白頭親老紅顏嬌

梁溪詩鈔

卷四十二

三

語未及竟聲忽落顙有微泚神已邈老親啼少婦
哭莫啼哭求仙憐出門急急追仙還仙人已如兔
脫弦世俗仰視虛無飄渺碧落間紛紛拜倒侍飛
仙千百來山人山人豈與何山人愛愛

千朱東宅

兩齋青青

王立

兩齋

短短溪橋波一曲墅外風光淨如沐人家半住竹
林中風起家家聞憂玉隨意看花村復村村前小
坐石牀溫林深恐失來時路木杪遙山記一痕

感懷

夫

萬事雲煙過絳霄百年無計勝漁樵美人遲暮哀

三楚名士風流換六朝花下魂歸青鏡暗堂前人
去白華凋劉琨多事聞鷄起舞落銀墻月半腰

踏車謠

朝踏車夜踏車三日八口食一瓜老農呼天兒呼
爹誰人知我踏車苦含涕朝來告田主田生宿醒
苦未醒甦睡風唼呼不膺又若新劍對田畝自
朝踏車夜踏車轆轤水畔聲呶啞農夫踏車飢欲
死紅粟官倉飽蒼鼠年年積穀爲民飢民飢得不
告官司官司無言吏胥怒無錢不止飢民簿

梁溪詩鈔

卷四十二

三九

置昌重趙王屬勃安劉氏乃知易太子意專爲呂
雉太子仁弱李鞏剛太子憂廢諸呂王誰迎四皓
作羽翼安劉反使劉幾亡吾楚歌若楚舞尊前一
曲淚如雨淚如雨愁千春非爲趙主如意戚夫人
不從蒯通言安用鍾離計哀哉淮陰侯用是適自
弊不從蒯通胡不從赤松臨風喚聽歌大風君不
見五湖水清瀾瀾煙波一葉家堪攜子皮亦是越
功狗功成功狗變鴟夷

賈生築治安事事若燭照誰言太激切才大而量
小過湘作賦弔屈原長沙一去恨漫漫必交絳灌

始得志應咎靈均忤上官

秦火廢六經道術失其傳仲舒志大業三年不窺
園向言其才並伊呂歆言管晏差足許一相膠西
身已遺爲伯爲王孰辨乏君不見漢武開邊耀武
威銘功勒德狼居胥何須董子天人策自有相如
封禪書

讀書示同堂諸子

積粟始療飢儲衣乃救凍讀書識大意此言涉虛
哄我少負盛氣入學陋記誦中年廢叅老筆墨聊
戲弄遇事百不知到眼暫膏曹使筆如使馬馳騁

梁溪詩鈔卷四十二

四

歸控送鄭駟騰踏不習安足用又如按部曲莫聚
焉合衆指臂不相喻約束苦驕縱往往敗乃事譁
然散一閱三冬喜夜永擁衾不成夢挑燈閱圖史
名象列種種初猶寡所見莫解應昏霧徐徐乃有
獲異物時一貢纍若珠貫串吻若瓦合縫綱海出
珊瑚搜山得銀甕乃知天地富推測難倖中一名
與一物尋摘貴珍重余老氣已衰常抱衾鄙痛君
等志大業餘力宜兼綜言登朝廷重通儒採擇及
菲葑

敬憶西村小閣

十年小閣倚芳辰放眼郊原景物新馬踏落花過
野市烏藏深柳喚詩人夢回竹院茶初熟書罷湘
簾篆乍勻借問西山舊眉黛痕添得幾分春

過真州

清江十里舊經過沽酒重來踏淺莎芳艸綠眠黃
鶻雨嫩蒲青泛白鷗波吳娘花下新翻曲沽客尊
前應放歌笑我匆匆來又去西風側帽鬢雙皤

至金陵

江澗遠天低停橈舊柳隄雲山仍白下煙雨失清
溪芳苑花爭發荒陵烏亂啼行人不知恨爭唱踏

梁溪詩鈔

卷四十二

四

銅鞮

秋日雜感

欲寫新愁付錦鱗故園回首奈霜晨家貧怕憶還
鄉夢親老難爲下第人晚菊含烟低野圃寒蕖帶
露泣荒澹可堪斜日昏鴉裏側帽歸來兩鬢塵

懷逸梅蜀中

雪嶺盤盤鳥道紆畫圖開處見成都廿年壇坫操
牛耳百里雲山試鳳鷄治績定知符劔犢秋風未
許憶尊鱸故人翹首于江隔蜀道吟殘感鷓鴣

客館

碧葉下寒流疎林已早秋長鑿仍作客短褐又登樓
樓夜雨長洲苑西風季子裘辭親爲負米反重倚
門愁烟天賦韻愁心對蕭蕭去却其力難
題跋貫華閣同良贊讀詩笑小同共水浪意
古院隱檀欒山門曲逕盤推牕宜小憇就飯強加
飡病鶴同僧瘦梅花與客寒風泉鳴野壑彷彿玉
琴彈鼎器書卷闌良意市裏館林深致文重情
金昔半畝居贈馬賓惠

春水綠痕肥桃花共釣磯此間宜且住奈汝復將
歸喚客新鶯囀依人舊燕飛輕風吹小艇楊柳影

梁溪詩鈔

卷四十二

四三

依依春時

春水村居

屋背一山橫疎林放眼明天心隨葉落詩思逼秋
清老眼留書卷閒身遠市塵前村招好友重訂鷺
鷗盟

古剎少婦怨

曉起見春色回身攬鬢鴉安心同井水郎意忽楊
花渺渺天涯路悠悠江畔槎誰憐去時月依舊到
牕紗

惠築南禪寺

林日早林具幾山半容

梁溪詩鈔目錄卷之四十三

國朝乾隆尤嘯軒鈞 四十一首

秦明經鈞儀 二十六首

華秀才飛 十首

秦封公鴻鈞 四首

朱孝廉湘 五首

袁孝廉鈺 三首

祝大令迺 一首

丁孝義王士 七首

朱隆昌雲駿 三十三首

梁溪詩鈔 卷四十三 目錄

楊兵備夢槎 七首

吳上舍炳文 四首

楊上舍廷蓮 一首

以上共十二人 三首

宋孝廉

秦桂公

華秀才

秦明經

朱孝廉

袁孝廉

祝大令

四十一首

梁溪詩鈔卷四十三

梁溪顧光旭華陽氏集

國朝

尤嘯軒鈞

字大章嘯軒其號也尤文簡公十九世孫
幼工制舉業從炳西陸師遊師深契之謂
其文當成家顧不得志於有司放情山水
薄游楚越間一發之於詩早卒所存惟閒
窻剩橐一卷

咏史

梁溪詩鈔

卷四十三

一

西京尚經術東京尚氣節通達有魏文清言以爲
悅坐使名教亾晉社幾中絕安得百傅元彈刻其
垂茂卓哉崇有論百倍於世說

太史序游俠謂自季子興季子固賢者詎以俠士
稱積薪可燎原濫觴可襄陵所以古君子小事必
兢兢

漢晉兩完人諸葛與栗里易地則皆然形迹何足
擬先主未三顧臥龍寧遽起晉祚倘未移詎老田
園裏出處兩無違後先誠同揆唐時李鄴侯差堪

畧足峙

行路難二首

我歌行路難壯士髮衝冠日月奔馳復誰待人心
隨處與波瀾不得凌風生羽翼側身天地徒長嘆
令公喜令公怒笑君所見一何暮登高望遠舒我
懷鳥道羊腸卽前路

昨者年少今老翁小園桃李堆飛紅二十建勳美
鄧禹垂老投閣譏楊雄金玉其言委泥土立身不
早嗟途窮君不見爛羊頭關內侯爛羊胃騎都尉
鷄肋鷄肋復何味

獨漉篇

梁溪詩抄

卷四十三

二

獨漉復獨漉水深泥更深泥恐沾我足水可監我
心我欲手挽天河水一爲人間洗泥滓有美一人
姍姍出塵天清地曠光景常新壯士屠狗和歌使
酒劍氣爲龍風雲馳走蘭亦當門鶴亦乘軒天下
無事擾之爲煩

白紵舞歌

燭影沉沉夜方耿玉顏買醉娛俄頃月明如雪花
如烟垂手花間月光冷羅裙一轉暗生香迴身欲
作青鸞翔歌珠錯落拋滿堂美目轉盼波流光流
光爛樂驚四座金粟無聲暗中墮

讀書惠山九陽宮
我携綠綺琴高上白雲岑樹杪泉聲落牕橫山
深囂塵從可謝虛閣任閒吟何必生遙羨丹邱
更尋

暮懷呈炳西陸師
獨立荒庭中晚念遂全集荏苒朝昏間前修感駒
隙悔吝於以生寸心叢得失纒斷苦泉深山高鼓
足力浩然太古心清夜復來覲仰視天宇空月光
滿天碧

雨中登惠山

梁溪詩鈔卷四十三

三

撥雲上高嶺雲浮嶺飛動磴滑趾不容手藉藤蘿
控雨聲雜松風泐泐怒濤湧行行崖岫間翠濕衣
袂重回顧下山路落葉飛鳥送尋寺謀憇踪隔竹
鐘魚諷
立過天鈞上人留別
小築禪房二徑深點頭頑石已成林欲捫苔壁留
殘句半樹梅花知我心

春日偕秦大南熙靡二遜膚泛舟荈湖

東風何日至生意滿平蕪桃葉同浮艇杏花開倚
壚客來茶正沸春去鳥爭呼暮景蒼然起天光到

水無... 思不... 華... 辭... 辭... 辭...

天上暮春隨黃璞齋師遊芙蓉山

坐將芳艸當文茵檢點年華又一春綠野遍沾新

雨色青山可記舊詩人時話及華子潛學士謝安未減登臨

興時師初旋里阮藉何須禮數親領取風光盈兩袖流

鶯花底劇翻新韻...

夜聞鄰笛有感

天空無雲月初上梧葉翩翩露光漾夜深不寐倚

高樓聲聲吹徹何嘹唳初聽緩李暮倫曲宮牆畔

緩復急孤舟江上蛟龍泣有時高關山滿日路迢

梁溪詩鈔卷四十三 四

遙高者低渭城折柳風淒迷梁塵暗裏將飛動一

曲未終愁已送世間誰復識桓伊空據胡床作三

弄空無雲...

秦淮泛月

江山不相待風露若為留長掛一輪月難消六代

愁波光吹歷亂簫管韻啁啾誰唱後庭曲為停片

葉舟寄山...

坐... 牛渚懷古...

天上騎鯨客飄然乘片雲誰知當此夕有客更懷

君烏帽仙為侶清歌思不羣石華能採否落葉幾

回聞

登燕子磯垂垂登岸猶憶汝伯歸時曾

亂濤若奔馬危磯勢欲吞攀蘿上孤石秋色來無

痕

放舟行彈指光陰倏更秋末扁舟飄泊鬱鬱者何由村也頃奉豐家大人命有西

夫亦足以徜徉于山水間而放意焉矣

我于塵世何所求寄生天地如蜉蝣塊然獨整阮

生駕窮途痛哭爭悲詫胸中塊磊何時平鬼盡耶

揄人竊罵卽今安得赤松遊且復放浪尋浮邱披

襟酣歌對秋月黃鶴一舉凌九州魚龍雜沓怒濤

梁溪詩鈔卷四十三 五

湧自吹鐵笛橫中流忼然大笑我忘我盡洗塵穢

今其可

蠟磯廟

緬渺清江恨未平猶疑當日珮環聲靈魂西去依

先主潮水東流愧阿兄已見兵戎連與國忍教昏

媾負前盟當陽長板橋頭血一體娥皇共女英

小孤山

秀絕悄凌波青青滴黛螺雲旗斜日下估客待風

多眇眇疑含睇垂垂欲畫娥彭卽誠謾語應著送

迎歌

阻風口占
楫柁停橈泊柳灣
舡頭遽起浪如山
江風何似知人意
飽看匡廬始放還

自應位置玉壺間
酷暑欣從暗裏刪
未可語蟲鼓向夏
不逢烈日倚如山
清冷只恐時難久
鏤刻虛勞力過艱
差幸我心無內熱
少陵萬壑出塵寰

王文成紀功碑

勝朝正德歲己卯
宸濠反問馳都門
指顧東南恐披靡
龍種化作蛟螭蹲
堂堂仗節許與孫
虔州中

梁溪詩鈔

卷四十三

六

丞屹不翻誓師忠
義俱奮發誓不戴
天共逆藩天王大
旂所指處一再戰
奪宸濠魂屈指三
十有六日凶殘迅
掃無畱痕臣守成
上露布曰誅曰放
由帝恩帝喜盤遊
正無度自佩將印
下九閭豹房健兒
作蜚語陰霾頓起
日月昏公科難回
武宗惑便欲辭世
隨緇髡公之精誠
格神鬼得免罪戾
雪大寃明年嘉靖
入繼統錫爵莫祿
及後昆碑終識語
及天啟末云武照皇靈嘉靖我邦國開先寺前古碣存筆力上
疏平淮碑楷法可並顏平原瞻碑載拜仰公蹟求
公翰墨何足言後來毀謗肆排擯蚍蜉那撼大樹

根摩娑展讀不能去惟公隻手廻乾坤

舟泊彭蠡廻望廬山

發棹已經宵空翠猶滴瀝瀑流萬丈飛空明互廻
激餘霞亘林巒絢采高下析水天兩無翳波底青
天暮五老若招予不遣雲烟隔倘悅欲重遊仙境
非遐遜動我離別情繞岸蕭蕭荻

過宣城縣

宣城詩境界間路苦匆匆一縣人烟裏千村秋色
中無山不如畫有客更臨風未到北樓上時時望
彩虹

梁溪詩鈔卷四十二

七

喜晤榮象坤

榮八我比鄰相與意良厚今秋事遠遊與子別離
久喜我歸故鄉招我飲旨酒問我所登臨山水歷
某某開我囊中詩境地差進否我笑爲君言風景
良不負

初春卽景

目前自覺春無限莫道看春不當春細柳含青纔
被眼微波皺綠漸生鱗未嫌風裏惜騰醉行作花
前淡蕩人料理一年遊興在朝逢霽色劇清新

懷古

生不五鼎食死卽五鼎烹不烹亦不食倏忽已死
生松下露葵滿籬邊霜菊盈寂寂與終古何所嗚
不平

古今一天地萬象誰能捐胸中有邱壑悟想生雲
烟至人發智力形聲靜深淵一念墮虛渺枝蔓相
糾纏

若粟之有秕惟箕可簸揚若蘭生空谷不損王者
香蓀荃化蕭艾終古失芬芳薰猶一同器木質已
盡攘

惠山上已

梁溪詩鈔

卷四十三

八

看花載酒度芳辰修禊欣逢天氣新山下管弦三
月景水邊裙屐六朝人野桃低亞常妨帽芳草淒
迷欲當裊莫遣韶華容易去夜遊秉燭未嫌頻

呈芋園師

幽蘭在空谷餘香被巖阿春風一飄洒無言韻自
多對之有餘慕塵埃無從過供宜青玉案珍比珊
瑚柯縱未遇採擇凡世難同科邈矣華夫子涉想
形勝何

獨往忍草菴

晚烟漠漠上人衣獨立空林對落暉紅葉滿山人

迹少亂峯深處一僧歸

採蓮曲

木蘭作舟珠作楫蓮花滿溪露光濕女伴閒遊出
若耶枝枝花映臉邊霞玉釧羅衫拖綠水明粧一
隊濃香裏人自採蓮花儂欲採蓮子

蘆花

煙波浩無際瑟瑟動人愁薄暮常飛雪前汀失浴
鷗有人方待渡無水不驚秋搖落爾何感蕭然亦
白頭

題榮泉山水障子用東坡海市韻

梁溪詩鈔

卷四十三

九

惠山突兀懸長空天矯飛舞雲烟中雲開煙散淨
如洗林巒忽做峴琳宮道人結廬住山麓刻畫山
色偏能工胸中邱壑忽傾瀉潑墨直化生蛟龍堂
上不合生楓樹杜陵驚倒雲川翁千峯萬壑赴腕
下意與真宰爭豪雄咫尺萬里渾莫辨其勢乃復
無終窮少文臥遊亦云快對圖已覺形神融人間
何處再逢子見之輒倒玻璃鐘昔我絹素囑頻寫
半欲化去慳獨豐今人忽覩故人筆豁眼不異磨
青銅回望九龍勢蜿蜒晴窓烈烈陰崖風

催租行

浮塵飛滿村前後殷殷降降徹昏晝磨礮糠秕比
屋喧餘得斗升歡已透誰歟一棹來河干鮮衣耀
日戴大冠頤指頗學貴人態塲前兀坐稱長官老
農潛伏不敢語小僕從旁相爾汝今年租米早入
倉莫教縲紲無逃處老農聞之意倉皇悉索捆載
恐不遑手脚凍皴皮肉死粒米視作明珠量量後
翻教更呈樣不爾風前更篩颺石聲飲泣悄無言
空船飄蕩隨風浪隨風浪去苦不前未知此租還
幾年側聞貴官已藉沒來歲輸作官家田

謁范文正公祠

梁溪詩鈔

卷四十三

十

兵甲藏胸腹蠶鹽歷歲年四夷名共仰十事守終
堅澤被蘇湖始心居憂樂前至今思絕業黨議謾
紛然

伍相祠

伍相稱忠孝私心恐未純刺僚謀骨肉鞭慕茂君
臣棲越功垂就亡吳恨莫申夫差自戕伐抉眼血
徒新

烟雨樓

孤帆隨雨落柔艣隔烟聞試向樓頭望鴛湖蕩碧

雲

黃鶴樓

崔顥題詩去不回江雲無意上樓來偶然天外飛
殘句還與人間唱落梅時代蒼茫餘霸業風濤浩
渺蕩仙才起看漢水葡萄綠瀉入芳洲鸚鵡杯

秦明經鈞儀

字伯芳號若舫癸酉拔貢生少以時藝稱
於時著有若舫制義詩有越行漫彙俱雷
翠庭學使鉉爲之序又有相於楚游等集
楚游詩取勝而若舫竟効於楚若舫爲人
倜儻豪邁當秦曉林方伯未遇時嘗與同

梁溪詩鈔

卷四十三

十一

邑吳禹範周象龍華振羽秦湘雲岫瞻含
吉若舫號蓉湖八飲皆能文章跌宕自喜
禹範以庚午舉京兆試尋卒方伯敬歷中
外二十餘年而諸君寥落不偶鬱鬱以終
惟湘雲碩果僅存獨敦古處云

過山陰有感

邈然念疇昔束髮過舅氏耳熟山陰道南州擴居
止簡牧來讓鄉雅化浹梅里借冠十四年萬井歌
樂只長此繫芾棠遂飲菜苧水吾母定厥祥來歸
屏施靡堂前肅義方依依如懷裏內則示成規禮

法謹孩始歲時高軒過音容猶在耳少小漸老醜
景光悵如駛寂寂冷護幃揮淚條三紀去年彌摧
腸靈椿忽增涕水影照蘇衣越東走霜履問道隨
星輶蘭亭雙腳企悲思動渭陽颯颯妻風起待敲
雷門鼓芳艸尋舊址麥燕嗟陳塵椒漿向誰灑
過曹娥江之餘姚紀意次武寧汪輦雲韵
幼婦碑何在千秋艷女娥高風江土望小艇雨中
過客路悲浮梗春光感擲梭可分巖壑秀幽愁結
烟蘿

泛宅渾無定旋看面面山峰迴巖樹合鳥帶水波
梁溪詩鈔 卷四十三 十三

蓬間
還地拆東西界人參夢覺關姚江原別派疑悟轉

蓬間
巖谷雨過桐山道

昨夜溟濛宿翠微朝來重檢舊征衣潮回海角連
雲黑樹鎖山腰帶雨肥客夢眠床岩外度鄉心供

硯水邊飛隔峰乍覺開新霽轉過溪灣望又非

眠床

岩在台州岐南山供硯
在府後水舊名一勺泉

途次次南豐趙勉哉韵
路探劉阮舊經行何處雙鬢解喚迎隱約珠簾分

內外遠峯層合暮雲平
音容隱在耳也

問道白簪嶺抵大芙蓉
碧嶽參差看未明
陟巖疑向霧中行
回頭却笑登天易
無數烟雲脚下生

謁誠意書院
冠劍依然禮聘餘
勝朝勲業問丘墟
蒼岕篆古迷丹簡
碧洞雲深隱素書
籌筆定推諸葛亞
掛冠翻笑赤松虛
只今回首金陵道
噴雪亭前一振裾
青田道中有懷諸同人用淮海公清溪逢故

人韵

甌越嗟浮梗孤乘泛泛船
江南江北夢乍雨乍晴
梁溪詩鈔卷四十三

三

天岐路頻回首前途感着鞭
何當共明月雲樹踏娟娟

釣臺追和鄉先哲龔方伯韵
絲綸閑付石盤桓
千古高名屬釣竿
却遜牛牢堅臥隱
并無清夢入長安
筆走冷然列子風
携來代北更甌東
微哦細雨簷花夜
疑在千巖萬壑中

京口阻舟涉焦山至瓜步中
萬艘紛集大江邊
稊米偏餘一葉船
碧浪捲空迷

郭璞翠螺迎面見焦先參差浮玉分朝霽縹緲乘
槎拂曙煙去去鄉心隔南北望中雲樹鬱蒼然

復之都門與王雲藻楊玉圃叙語用東坡清

虛堂韵

攝衣待浣車輪沙填駢五劇紛蜂衙得得疲驢走

堀堞古渠青柳飛蟬花一鞭垂垂籠中寄莫辨逆

旅非吾家起視城南天尺五推開六合騰金雅兼

旬夏日換秋月桂影漸吐銀蟾葩素心閩粵兩知

已聯床話渴呼瓜茶從頭傾倒寫肝膈譙鼓那慮

過三搗菥落鬱塞任揮灑如痛與抑癢與爬瓊岷

梁溪詩鈔

卷四十三

十四

珠門皎玉立入勝輒引向若嗟燕臺一嘯空金市

何當海嶠餐晨霞

曉發

雪壓茅簷夢煙低土銼燈四更提劍出千里吼寒

冰

東寄四明姜白巖

時乞休
居象山

越水望何極初懷耿不渝行歌煙雨外灑墨性情

俱廿載春風坐三秋夜月孤應知嗟宿艸默默重

增吁

乙亥寧化師訂中秋重晤武林試院校定
文集未果後師訃至不勝天涯知己之痛

悶雨夜坐復用菹浦寄懷四首韵

補屋牽蘿計未成，濠梁秋水寄遙情。
紙堆塵暗勞千載，愁陣雲深借一城。
對影可宜邀太白，無絃只合伴淵明。
那堪譜入吳孃曲，聽徹蕭蕭暮雨聲。
盡日天光帶濕流，痴雲頑睡不知愁。
綠陰濃處長扃戶，紫燕歸時獨倚樓。
南浦有魂銷遠望，西窓何燭話從頭。
關山咫尺屏山路，夢斷揚州更益州。
繩榻蕭然坐欲枯，天涯芳艸暗平蕪。
綠楊驕影斷還斷，紅蕩香絲繫得無。
鏡裏獨看愁點白，壚邊誰聽醉歌烏。
年來寥落鷺花景，悵望晴原痛雪姑。

梁溪詩鈔

卷四十三

十五

敬客遠招黃鶴嘯，空臺無端旅思鷄。
聲送渾許閑情曉，夢回市上桂林難。
問價踏街爭喚賣，花來

意道王氏女，字於周年二十未嫁而夫計至慟不
蘇蘇欲生燈旌節，祖母憫之曰：可不似我終身
儼請益苦守也。女泣謂正恐不能如祖母之苦守
滿元氣終身耳。晚携抱弟妹如常。越日潛自縊。柩
盡日天歸周而合瘞焉。兩家未識。旌例道路稱
合。辭揚有日矣。始呈詳請邑。宰褒以文。余爲作
十。始。敢徵詩味其答祖母語歌以嗟也。
嗟哉天周郎儷此青箱女，一夕傷兩鬢。寸心卽千

古柔腸縷縷語殷殷堂前祖母恩旌人慰言不
受終身苦誰知更苦不終身是時中秋月正圓含
啼弟妹相周旋晨興甘旨佐操作荒荒白日走蒼
天悄焉直繩繫何密舉室倉皇無處覓須臾化作
折絃琴皎皎瓊姿冷冰雪芳魂歸繞周郎塚土花
暈碧雙鴛捧葦屋誰憐珠玉光女貞姓字邱山重
聖朝德化泱窮檐幽光耿耿詎終淹播聲道路達
高聽嗟哉秃管歌聲縮

感事

望望碧山隈心惻兩平仲孤根托莽墟散櫟等無
梁溪詩鈔卷四十三

七

用庶獲全其天山靈有年共仰際白雲衣俯聽澗
聲控蘚碑臥縱橫摩挲八咏諷風霜幾剝蝕雷谷
攻未動不避奉曲唾詎擬繩墨中甘此寂寞瀆落
落少吟弄胡忽來商音吹斷谷鶯啼纍纍綻銀實
慘絕盤餐供誰憐碩果珍頓觸剝膚痛如推百尺
桐羣梟逐棲鳳物理有苑枯糞尸同幻夢叩之西
神神致福尚知恐罔思食舊德坎下室乃訟除煩
滌中煎涓泉掬龍縫

華蕤浦東示湖北送湘翁南歸

伏樞心驚嬾着鞭遡洞江水思悠然好題太白題

時景莫問靈均問後天未識艸青湖澗岸可容鷗
泛月波船劈流小試分風利帆轉隨看面面圓

武昌藩署席次應寄梅叔

小阮蕭蕭襖被裝江行淡月滯帆檣磯迴水勢潏
鸚鵡山靄雲容近鳳凰廿載遙情聯楚越一尊歡
對話瀟湘樓頭可許招黃鶴崔李尋吟興味長

感孟襄陽猶憐不才子白首未登科句用韵

作

何事清吟客猶然感遇多百觚堪任達五字惜塵

羅北闕書休上南山計未訛諸人無俗韵八世澹

梁溪詩鈔

卷四十三

七

風波採藥從龐隱紉蘭續楚歌青雲羞白髮幽素

問誰科

自武昌之襄陽晚泊漢口

萍跡南來似轉篷伯牙臺外溯歸鴻悠悠漢水連
襄水淼淼雲中更夢中笠澤舊吟懷醉士習池今
許問山公片帆剪破烟波月腸斷梅花一笛風

夢見所失書視有素曾批閱者恍逢舊好喜

成一律醒淚盈枕僅記丹鉛二句足成之

亡書如憶友旅夢輒縈心慘甚祖龍炬燭憐逾黠鼠
侵丹鉛仍手澤篋笥勝籟金脉望緣何在尋思淚

滿襟

良辰兩日雨阻未及視疾而菴蒲遽逝撫磨一勸
盞去淚零芳艸路招來魂斷水蘭舫從茲別恨憑
誰賦筆謝江花夢不圓

華秀才飛

字振羽號菴蒲諸生著有攻玉齋詩
西湖絕句

七道存一

一篙綠漲連新雨半髻青浮帶晚煙為問孤山老
處士梅花夢醒已成仙

梁溪渡江

卷四十三

六

春流清淺漾柔藍最好蘊塘三月三十幅蒲帆衝
浪去教人從此憶江南

一嘗望邵伯湖

茱萸灣外路撥舵放舟行淼淼珠陂濶

邵伯湖又名珠湖有

六十雙雙玉鷺清亂帆飛極浦落日下蕪城搔首
伊人隔粘天碧草生

東原至夜

阿奴真碌碌此夜一茫茫客鬢隨年短鄉心與夜
長吳儂恣飄泊魯酒壓蒼涼噤南征雁雲山徧

地霜

感懷

六首
存一

斜日滿疎櫺，蕭閒戶半扃。
懷人媚幽獨，隱几適空
冥。草向愁邊綠，山從夢
裏青。酒徒零落後，不忍
問旗亭。

春秦大司空，味經表叔扈。
蹕南旋，因同歸里，抵家未及信宿，卽登舟先次望
滄亭驛，匆匆留別內子。

妬花風雨滿春城，淚洒空杯送遠行。
便覓封侯何太急，到家寒食去清明。

寄秦大若舫時將從寶邸入都美人金華

梁溪詩鈔

卷四十三

七

望裏驚沙眼欲枯，登臨情緒半荒蕪。
美人金翠緣深淺，才子文章命有無。
江左風流看落月，竹西歌吹聽啼烏。
白門最是傷心處，嬾過清溪拜小姑。

蘇臺絕句

卧龍橋上同六龍，行飲馬橋邊駿馬鳴。
二月蘇臺芳草綠，春山秦輦路入春城。

山下空傳采香徑，我來不見采香人。
飄零金粉知多少，十里春風碾作塵。

秦封公鴻鈞

字心陶，號世萊，邑諸生。少攻帖括，宗胡恩。

泉有銅墻鐵壁之目丙子遊北雍報罷歸
遂絕意進取性澄淡不嗜榮利又坦易與
人交無城府以子瀛官中書舍人

誥封如制

將出都門二首

自注時丙子秋報罷南歸

滯淫踪跡悔頻年似舊青袍一惘然九日關心燕
市酒三秋歸思潞河船愁添細雨黃花裏夢冷西
風白雁前京雒故人長此別生涯從問五湖田

底事庭闈別老親獨攜琴劍向風塵青天蜀道艱
行路白馬長安避貴人只憶陶潛松徑好不愁杜
梁溪詩鈔卷四十三

甫草堂貧鹿門妻子堪借隱歸傍清溪弄釣綸

京兆纔聞捷

自注時甲午秋作

兒子瀛舉京兆

清源忽被圍

山東賊匪王倫攻臨清州季弟

震鈞時以州判權知州事

重城猶轉戰八口有危機道路訛言

異鄉關遠信希

久未得季弟家書

白頭愁更劇何以慰庭

聞道山東賊紛紛白帟裝

開王倫賊黨皆以白布裹頭

天應誅

獬豸人望掃攬槍曉日旌旗壯秋風壁壘張大營

丞相在么麼敢披猖

上命大學士舒公領兵進剿

朱孝廉湘

字暘谷號鶴峯丙子舉人居楊樹園著有
尚書叅評藏于家

雜言四時田園樂

生事悠然寄薜蘿田園佳勝復如何山川澹蕩詩
中畫父老恬熙醉後歌十畝柔桑春雨足一溪垂
柳晚煙多家家門徑臨流水亂落桃花點綠蓑
最愛幽居夏日長鳴鳩遶屋樹千章風搖粉墮墻
頭籟雨染青分水面秧扣角農歌過麥隴敲針漁
唱上蓮塘隣翁拄杖心無事閒倚柴門看夕陽

碧山當戶翠屏清秋老郊原已輟耕松葉新篳邨
梁溪詩鈔卷四十二

三

甕酒尊絲鮮膾野厨羹西風蟹舍連黃菊斜日雞
栖覆綠橙剝棗烹葵隨意足兩三行雁暮天橫

野老長年只灌園茅檐短褐曝朝暄全收芋栗無
征稅薄有雞豚洽弟昆沽酒未妨江店晚烹茶好
借地爐温偶然乘興山陰棹犬吠人歸雪後村

雨過扁舟漾綠汀澄波如縠樹如屏山腰嵐氣迷
離白只露峯尖一抹青

袁孝廉鈺

字小枚丙子舉人以詞義稱于時

和華西京詠古

呂不韋

奇貨能持第一籌紛紛販國盡陰謀城狐媚取曹
兼馬社鼠工偷呂與牛昔日莒鄆真小用同時黃
李是良儔六王夷滅煩兵力百二強秦賤價售

韓信

楚漢雌雄左右投寸心不忍負炎劉僞遊君聽陳
平計相術臣辭蒯徹謀袴下旣甘降惡少朝中偏
耻並通侯真王大快平生志但把微時一飯酬

元后

梁溪詩鈔

卷四十二

三

丙殿春深錦繡鋪承恩早喜得龍雛嬰兒已被元
公逐寡婦猶將文母呼漢識炎精消日夢秦留玉
璽盜金符壽宮莫怪因元廟天子巍峩姪祀姑
祝大令頌

字亦山丙子舉人官四川三臺令爲人循

李景夏謹沉默政尙廉平無私橐歿于署賓友爲

兼臨葬之棺殮附舟歸櫬百姓哀之

全蜀藝文志載宋袁尙書

說友

巫山十二峯

二十五韻一時和者甚衆見獵心喜追和

咏其韻

舉頭一笑山生姿無峯不雲雲欲癡楚宮深宵楚

王夢溟濛斗帳晨光遲朝雲峯色荒不戒汗神女干

載廟祀亦大竒白舫青簾往來道廟中道士吹參

差暮濤倒捲翠屏峯名上古藤嬈嬈婁絡之羣猿聯

臂挂一綫跳擲叫嘯聲相隨松巒聚鶴集仙三峯名

侶我欲輕舉神已疲蜀志淨壇雲起上昇三峯半在南岸二十里不可見

壁霞明聖泉外登龍栖鳳赤羽旗望霞聖泉登龍栖鳳皆峯名

煙鬢霧鬢恍可靚微風忽與塞羅帷若有人兮善

窈窕似聞水上歌竹枝一彈再鼓怨遙夜誰使萬

古青眉低江間時有山帶起草際認作裙腰嬉山

梁溪詩鈔卷四十三 三

靈娟妙造化手想見太始誠無為古來尤物作禍

水厥有鍾毓亦有時自從神女感雲雨生長明妃

亦在茲畫圖環珮歎絕世黃沙撲面萬里馳花蘂

夫人黃崇嘏天生異質各有施回看十二峯如畫

隱見離合江之湄荒哉武氏亂宮闔唐祚幾絕憐

娥眉欲從瑤姬問金母諒復聞此一解頤北斗以

南幾人在那得豎白無磷緇連峯去天不盈尺足

令太白噫吁嘻舟人指點疑九嶷我怪尙書持節

胡不綺裘玉杖凌峩峩今我覽古發長喟却恨無

人和我詩

丁孝義王士永平城崇德寺觀青苔山火更

字長孺號蓼渚丙子舉人四十登賢書五

十而筮仕初授松溪令調漳浦移疾歸以

家貧不給饗殮寄南禪古寺居焉起為孝

義令復以疾辭其治尚廉靜而人謂其在

閩以猛在晉以寬飲水之風不移出山之

志不作矣喜吟咏歸田後俯仰釣遊優游

杖履往往載酒攜朋共相倡和然數人吟

之外亦無人知其能詩者著有蓼渚詩

草年七十六卒於家

梁溪詩鈔卷四十三

五

雜詩

孤桐嶧山質流韻抑何清孤根無回曲直幹凌青

真豈無棟梁材寔含正始聲方圓誰見削宮商詎

自鳴嗟嗟漢中郎曠世不再生

登石州城

獨坐山城最上頭暮天極望正悠悠雲間紫氣長

安道江畔青楓故國秋霽色雲開千里目笛聲遙

度夕陽樓空壕寂寞歸鴉急迴首關山起百憂

舟次龍游有懷王燮公

雨歇天氣清江水平如掌樹色既青蒼山光更照

朗煙開洲渚分日落輕霞上獨酌苦無聊孤吟更
誰賞對景懷遠人長歌發浩想

贈富春江卽事

顧曲心情祇暗嗟髯絲消盡舊年華無端江上當
鑪女高唱揚州剪剪花

東水青家驛赴會寧縣作

澗道四十里迴旋如磨折淺水飢明沙輕波耀晴
雪翠羽拂青屏紅霞落華轍閒聽騎鳥啼瑟瑟鳴
瓊屑

曹文

集

余文

心齋

蔡文

應蛟

連騎來餞賦贈

梁溪詩鈔

卷四十三

三

流水桃花千尺深故人連騎送行心匆匆莫問他
年約明日相思夢裏尋

再授孝義敘懷

抱琴養微疴僦居南城灣瓦屋四五間盈盈曲池
環水清魚在藻風暖鳥間關籬落墮繁紅繚垣延
遠山醉來和月卧吟罷看雲閒但覺棲遲樂都拋
世網艱殊 恩猶用老墨綬復邀頌綆短苦汲深
顛頽彫孱顏徒抱精衛志難辭智叟訕出處各有
時喧靜原一般作息分晝夜境遇屢往還誠哉坡
老言得失此區寰

朱隆昌雲駿

字逸湄號畫莊丙子舉人官四川隆昌令

有循績膺卓薦自京回蜀移疾將歸卒于傳舍畫莊少孤家貧不能就塾弱冠挾書

溷跡闌闌間年十八忽復痛哭告于母曰

兒年長矣終不忍祖宗書香埽地無餘也

母泣以兒能如此雖餓死其奚悔自是始

習舉業爲文冥心獨造出以就正老宿乃

大驚駭文譽遂起古文學曾王歸太僕學

詩于邑中詩老劉楹林先生先生激賞之

梁溪詩鈔

卷四十三

三

調有梅都官風力其初稿詩古文詞共廿

四卷入蜀時山水暴漲漂失無存後檢出

舊鈔詩八卷并在蜀所著萬里集四卷普

慈集一卷脩時集一卷統曰畫莊類藁梓

以行世

春日游讀書山懷元遺山先生卽用元詩賞

心古難并莫景日易費爲韻

存

春煙澹欲流禽聲導客往山行曲愈好步窘勢轉

上徑斷橫溪橋水消水平掌澗瀑懸山顛塵襟快

滌蕩游歷逮茲辰聞名自疇曩流風如可親對境

足欣賞年常曾幾思風風雨雨出則

遺山真大雅曼俗不足吐搖筆凌清雄風雨中規

矩研磨繫舟山中不知幾辛苦遂爾薄迫各切西漢

氣韻逼韓愈繫舟疑無稽讀書庶有補偶經趙公

題山名擅終古爭跌批資燈客顯題落不對何因

性正氣亦正跌蕩雄幽并聲名世耳食知已惟一

兄四十五年間毀譽何轟轟習俗安汚流所葆遂

不貞錙銖較利害俯仰隨重輕所貴在壁立君子

豈好爭不

職本任史官記注敢貽悞舟師忽東狩國史請保

梁溪詩鈔卷四十三 七

護時相目迂濶零落不復顧艱危野史亭貞節葆

歲暮身在國史在豈難狗國祚吁嗟絳雲樓志但

希遭遇幾離休書報...

伊余讀史傳考異訂月日中州集在案序言愛古

質作者殊紛紛孰與抗儔匹沉浸三十年不敢下

一筆行當焚少作抱此究微密醞釀苟不潑何以

名著述韓愈...

...

功成身退真國士臣心潔清有如水千古荒原餘

燒痕當年枯骨被君恩風風雨雨清明候晉人禁

火俗良厚蹇驢過此秋月黑行旅忍饑補寒食

後三感舊二絕

精神正字竟難支白石風流苦繫思彭蠡拍天帆

影沒旗亭留唱小姑詞

陳汾陽凱工詞酷肖姜白石客九江權使署賦小孤

山諸作尤擅場

頽唐淡沲是今吾同調如君骨已枯最憶煙光明

媚處簪花筆格注三都

華有條文緯文學文選書學衛夫人邑高才生也

建臺莊曉望

篷牕侵曉色草際露珠銜水徙初營屋山橫驟落

帆村煙上槐柳市味雜酸醎鄉信江南遠無從寄

梁溪詩鈔

卷四十三

元

一絃

數賦南陽鎮草創靈莊水鏡吟營屋山海觀落

帆收依荻港素侶勸加餐雲斂水容夕風高雁影

寒人家補籬落井邑富波瀾為歎沉淪者蒼涼不

忍看

德州道中寄懷復燕

狂瀾倒瀉駮鳴鼉欲濟無梁喚奈何

時大水泛濫望景州不得

渡鴻雁影迷沙厯亂波濤勢挾雨滂沱俗儒久已

迂三策故道奚從問九河最惜佳人經世意一編

秋水卧煙蘿

復燕講求河防水利極精

黑云欲怒澗鱗寒食

東顧南華

葉落室虛白幽居獨寤歌黃花隨意好清境入詩
多懶極塵都遠飄然客暫過相攜知幾日釣艇弄

煙波

時南華將南還

入藥懷同人二十首

存

半江予執友服古若稽田禹貢疏原委韓文譜歲
年狎鷗之海上賣藥向簾前避跡甘嘉遜途人指
偃佺

華澗山

幽栖澄澹慮世味寡所欣支枕澗邊樹垂竿溪上

雲林泉自明瑟瑟蘭莊俱清芬余亦從茲逝山中麋

梁溪詩鈔

卷四十三

元

鹿羣

過鎮諤

一牧班荆雅相知在寸心形神並超逸位置宜山

林清言灑蘭雪冥心援素琴達人貴自得世俗但

愁侵

楊令貽

風標殊絕俗挺拔愛吳均已空餘子詩真到古

人藥爐時在室琴薦總隨身鐵網搜羅切如君豈

隱淪

吳一峯

立秋日寄懷捧齋侍御

形交踰十年神交鬱方寸憶昨客京華歛退避塵
坳之子喜過從吾黨許投分一椽託相于萬卷恣

討論整齊逮糾紛軒豁到幽隱漸涵得其源丰采
杼所醞飈爾振古風翛然出高韻晉秩任彈紉憫
時值饑饉民命爭須臾官司奉蠲賑謂當飭簞簋
詎料竊膏潤建言警頽波風示被列郡端緒旣迥
殊勲猷孰爭奮內行砥廉隅真品軌平近孤生俗
多睽失路志甘困葑菲不下遺光暉益謙遜何以
副雅懷無敢數明訓激清心可盟慕道首頻頓一
從滋離憂令我增鄙吝庭階墜葉新枕簟淒風迅
會合旣無絲編摹空雜攜晶晶秋月高嘒嘒寒蟬
怨根觸條汎瀾懷思寄繾綣

梁溪詩鈔

卷四十三

三

哭師道

經術鶯湖醞釀深忽聞凋謝黯青繁存亡身直關
文獻貧賤人知重姓名千里音書紫夢想廿年風
義愴平生蒼涼月色虛堂靜無限傷懷一放聲一

東溪

玉女峯前月仙人謫後詩超然一天地清境復誰
知靈草餐風露蒼松閱歲時東溪不肯住僕僕欲
何之

陰盤遇澗水驟漲篋中類稿泥沉雨絕感賦
少華峯西漏亂泉秋霖下注漚成川行裝已見隨

波逝文字都除宿世緣兜率著書應作冢德初何

術竟通仙無多心血知牢守只合齋持大乘禪陽

道士李德初題周易義歲至一人八千口當有大

水漂溺因得舒展躡暴一人八千口太和字也劉

遵古節度東蜀時

果驗見四川通志

縣齋書事

菲材任劇邑四郡交一隅冠蓋日紛錯電掣郵亭

符役夫動千指駑馬飛長途前令大窘迫里役疲

供輸令來未週月衆謂令朴愚具陳里役苦宜何

如改圖令聞起太息稅政當立除家口尙少累俸

錢無多需此後令獨任父老毋嗟吁厨傳幸粗脩

梁溪詩鈔

卷四十三

三

白飯兼青芻使者肯見容涉境卽安驅向來奔走

徒努力事耕鋤上愧何易于民困亦稍蘇作詩告

來哲鄙意慎勿渝

孝義臺

程崇孟宗哭竹處

脩竹植臺旁帶露逾娟潔慎勿觸筍芽孝子斑斑

血

雜言

輿臺星馳索燃炬沿村打門勢莫禦媼婦殷勤前

致詞翁病無人送君去繩牀搜出十歲兒鞭背前

驅哭路岐

瘦馬凌競骨貼皮憶昨入厩頗權奇晝夜狂奔受
鞭撻淋漓血髓交涕洟涕洟聲中聞馬語我悔前
生鞭撻汝

西郊忽報虎人立搏噬羣羊嗟慘急村農走匿市
闔閭不敢高聲但飲泣如天之福虎渡河羣羊骨
碎血灑坡

寓明政土司窩莊

嚴裝歷蠻疆捧檄隨幕府亭嶮各晏然肩摩西域
賈山半綠石垣城頭搗鼉鼓士馬正精強軍實宜
閱數豈伊信宿期諸事就繩矩地屬長官司職在

梁溪詩鈔

卷四十三

三

勤宣撫款留潔窩莊廻環對衡宇規制異民廬重
樓皆累土其下畜牲牢其上卽塲圃容膝安几榻

嚮陽開牖戶四面峙煙嵐高峯住佛祖

南無脊山遙望高出

雲表佛書南無佛猶云某處某人

也 晶瑩眩瓊瑤晴雪照終古噫氣

時怒號濤聲沸江潁男女雜市廛酪漿洽賓主椎
髻熏腥羶花裙曳綺組叛番爾同仇軍書慨旁午
用命殲戈示給爾以倉庾壤錯酋易俘 恩深力

應努

納溪三灘瘞溺詩

爲石明府峯作

我心得所安不謂爾有知柳州殆聞道始可與言

詩岷江流湯湯沫若交滙之水沸激垠堦舟碎飄
骸芻造物豈不仁缺陷誰當彌三灘有盛舉拯溺
慰孤羈窀穸竭經畫祀享俱以時丹崖曾語予負
疚愧寸私聽民瘼魚腹吁嗟俾我底安得長者言
以諷百有司

懷鶴草堂

鶴盤雲壑遠堂偶雪鴻留清暖聽猶昨巡檐素月

流附摘錄沈觀察清任懷鶴草堂記乾隆乙未丙申之間金匱顧觀察晴沙先生攜二鶴居此區

曰攜鶴草堂其時鶻咏于斯者吳學士白華查方伯榕巢楊刺史笠湖王刺史秋汀予為作五

松圖并系以詩別駕李雲門又畫五松于壁予醉後因而書之具在也其後晴沙移疾還山德

梁溪詩鈔卷四十三

三

潤圃觀察登其堂懷其人且愛其字從而巧偷之于是攜鶴之顏歸之潤圃斯堂輾轉歸之洪氏辛丑秋汀來假館予嘗過之花木依然門巷如故獨不見晴沙揮臂作草書舉觴望白雲時矣而秋汀則更思之切重新其寓館而顏曰懷鶴草堂

題沈澹園太守鐵峯圖卷

為徐柳湖作

荆關畫格何沉雄游神象外歸環中柳湖徐君癖

嗜畫博搜名蹟勤緘封示我橫卷樞朴老意思直

與荆關同普慈千仞峙鐵峯行憶時枉潼川公層

巒叠嶂樵徑曲溪林邃壑煙光濃偶然寫此紀遊

覽蒼然一角森葦嵩涼秋展讀興蕭爽簾前謾

來松風抬頭正見鐵峯頂晴空削出青芙蓉

恩村旅舍次壁間李雨邨侍御韻

征塵冉冉路逶遲，霜色侵尋上鬢絲。
覽古始知書誤處，懷人常在酒醒時。
商飈朔雁空中籟，枯木寒煙畫裏詩。
景物隨宜供領取，郵亭句好爲情移。

林輝臨洛關，蘇軾詩暮天蒼臺白樹間。
設險古邢外，臨洛環阜城。
人煙侵曙色，戍鼓帶波聲。
掠地秋鷹迅，出林僧磬清。
風沙愁浩浩，吟眺慰孤征。

馬鞍嶺

樹嵌石益奇，山臨水斯活。
嶺形似錦韉，岩罅滿楓葉。
梁溪詩鈔 卷四十三 三

栝雲根浸虛，無鞅脫騏驥。
渴渴飲恣超，騰浩淼波瀾。
澗數上鞍二十四，陵跨愁巖崑。
昨騎龍背游馭風，翔紫闥。
絲鞵此馳驅，竟可施鞭撻。
清響聞畫眉，豪情俯寥豁。

畫眉關嶺上最高處

邯鄲縣

稅鞅武靈境，殘蟬欲暮天。
叢臺白楊樹，襄國綠汀煙。
事業只如許，繁華誰復憐。
黃梁知熟未，客夢在林泉。

楊兵備夢槎

四字再騫號，誤仙世居邑之寺頭鎮少孤依

其外祖張占浙江商籍丙子浙闈舉人榜
名張槎歸宗復姓改今名官鄆都令會

天監王師征金川隨定邊將軍營管炮局以功擢
知棉州不赴癸巳六月戊戌兵潰木果木
被執脅降不從賊環跪請指示點炮法乃
給令裝藥過度炮裂斃賊甚衆夢槎死之
卹贈兵備道
諭祭賜塋入昭忠祠並祀成都慰忠祠無子蔭
其弟乘槎山東濟陽知縣

題玉堂富貴圖

梁溪詩鈔

卷四十二

三五

瀛洲學士登天祿簾捲鶯聲曉烟綠天池無風淡
不波春山兩桁青如玉昨夜燈煤破碧窗宮人手
裡續蘭缸蜀纈袍溫春覆夢紫花墩繡靜聞香天
上人間傳異寵蓬萊文章醴泉涌藥珠殿裏月華
多沉香亭下恩光重古來惟有玉堂春不負清華
定幾人鴛鴦對對行花徑楊柳絲絲拂畫輪花磚
左右誰珥筆娥媚還應有遺笏牡丹濃染素蘭馨
天邊風露清無極

董子祠

舉世言功利江都尚有堂下帷多歲月應詔策賢

良古廟藤蕪綠秋田蛟蝶黃鄰家園圃近繁露又
微霜

雨過壩橋

驥子騰騰破柳輶
揭來何處最魂消
驪山一雨千峯暗
烟樹溟濛過壩橋

過馬伏波故里

是翁矍鑠定何如
瘴霧蠻烟百戰餘
絕域論功三尺劍
平生垂訓數行書
空懷下澤歸鄉里
竟使明珠指後車
落日孤鶯飛欲墮
行人立馬一踟蹰

南星曉發

梁溪詩鈔

卷四十三

三

夜來風雨過曉色尚迷漫
一騎衝烟出于峯
滴翠寒溪聲穿樹杪
人語落雲端
又渡柴關去
匆匆夢未殘

吳金題諸葛武侯祠壁

艱難存漢統
謹慎識臣心
無復南陽卧
平生梁父吟

吟

宿七盤關見壁間鴻觀弟舊題
悵然有懷卽

雨次其韻

聽君曾說蜀中遊
雲傍青天礮馬頭
吟得七盤關上句
剪燈還似對牀秋

吳上舍炳文
字仲虎易堂先生長子性穎敏早卒

題楊令貽所藏坡仙墨竹

詩人何所愛竹影清于人蕭疎喜明月月落影已
泯坡公禪理妙空色爲傳神初師與可法後乃變
化新勁節森有芒逸氣迴無垠忽如見我公頎然
玉立身楊子能鑒賞端爲希世珍持比庭中影莫
辨畫與真

池上三首

臨池茅舍幽彷彿仙家子焚香月上時鶴步花間

梁溪詩鈔

卷四十三

七

水池上廬

一徑絕世喧但有笳笳響終日掩柴關山鳥白來

往竹徑

游魚磯下集綸竿波上宿獨坐生夜寒曉色侵池

綠釣磯

吳楊上舍廷蘊

藉人同字苞文勗齋先生子好學能文早卒著有

靜軒詩稿

夜光蝦

清華堂池中產蝦通體瑩澈向晚如明星倒映

